

四庫全書薈要

• 乾隆御覽本

史部

欽定四庫全書薈要

史部

資治通鑑卷二百二十五

詳校官編修臣汪鏞



資治通鑑卷二百二十五 宋 司馬光 撰

胡三省 音註

唐紀四十一

起關逢攝提格盡屠維  
協洽七月九五年有奇

代宗睿文孝武皇帝中之下

大歷九年春正月壬寅田神功薨於京師

田神功  
入朝見

上卷  
上年

澧朗鎮遏使楊猷自澧州沿江而下擅出

境至鄂州詔聽入朝猷遂泝漢江而上

澧音禮使  
疏吏翻朝

直遙翻沂蘇故翻下

復州郢州皆閉城自守

復郢二州

皆濱漢此時蓋為山南東道巡屬守式又翻

山南東道節度使梁崇義

發兵備之

二月辛未徐州軍亂刺史梁乘逾城

走

徐州治彭城

諫議大夫吳損使吐蕃留之累年竟

病死虜中

吐從職入聲損出使見上卷六年

庚辰汴宋兵防秋

者千五百人盜庫財潰歸

汴皮變翻歷作十日己酉

按長唐

是月庚午朔十日乃己卯也今從實錄

田神功薨故也已丑以神功

弟神玉知汴宋留後

癸巳郭子儀入朝上言朔方



國之北門中間戰士耗散什纔有一今吐蕃蕰河隴之

地雜羗渾之衆

朝直逆翻史炤曰羗党項之屬渾吐谷渾也

勢强十倍願更

於諸道各發精卒成四五萬人則制勝之道必矣 三

月戊申以皇女永樂公主許妻魏博節度使田承嗣之

子華

樂音洛妻七細翻嗣祥吏翻

上意欲固結其心而承嗣益驕慢

史言狼子野心不可以恩結

以澧朗鎮遏使楊猷為洮州刺史隴

右節度兵馬使

澧音禮使疏吏翻洮土刀翻洮州時已陷吐蕃楊猷特領刺史耳

夏

四月甲申郭子儀辭還邠州

子儀自邠入朝今還還從宣翻又音如字考異曰

唐歷作癸未  
今從實錄

復為上言邊事

復扶又翻為于偽  
翻下為已仍為同

至涕泗

交流 壬辰赦天下 五月丙午楊猷自澧州入朝

是年

正月己書楊猷離澧州泂江  
泂漢今方至京師朝直送翻

涇原節度使馬璘入朝

諷將士為已表求平章事

璘離珍翻  
將即亮翻

丙寅以璘為左僕

射

璘離珍翻

六月盧龍節度使朱泚遣弟滔奉表請入朝

且請自將步騎五千防秋上許之

泚且禮翻又音此將  
即亮翻又音如字騎

奇奇翻

仍為先築大第於京師以待之

癸未興善寺胡

僧不空卒贈開府儀同三司司空賜爵肅國公謚曰大

辯正廣智不空三藏和尚

釋典云佛在多羅奈最初為五人說契經修多羅藏佛在

羅閱祇最初為須那提說毗尼藏佛在毗舍離彌猴池最初為跋耆說阿毗曇藏五百羅漢夜集阿毗曇相續解說經此為三藏學又三藏學經律論也卒子恤翻藏徂浪翻

京師旱京兆尹黎幹

作土龍祈雨自與巫覡更舞

覡刑狄翻更工衛翻

彌月不雨又禱

於文宣王上聞之命撤土龍減膳節用秋七月戊午雨

朱泚入朝至蔚州有疾

蔚紆勿翻此自幽州西出山後取太原路入朝宋白曰蔚

州西南至代州四百六十里

諸將請還俟閒而行

待病閒而行也將即亮翻閒讀如字

泚曰死則與尸而前諸將不敢復言

復扶又翻

九月庚子至

京師士民觀者如堵

安史亂後河北諸帥阻兵不朝朱泚之來長安士民以為美事

辛

丑宴泚及將士於延英殿

虛文紀曰上元以來置延英殿或宰相欲有奏對或天子

欲有咨度皆非時召見程大昌曰高宗初翔蓬萊宮諸門殿亭皆已立名至上元二年延英殿當御座生玉芝則是初有大明宮即有延英殿顧召對宰臣則始於代宗耳代宗以苗晉卿年老蹇甚聽入閣不趨為御延英此優禮也案六典宣政殿前西上閣門之西即為延英門延英門之左即延英殿故陽城欲救陸贄約拾遺王仲舒守延英殿上

犒賞之盛近時未有

壬寅回紇擅

疏伏閣不去也

出鴻臚寺白晝殺人

紇下沒翻廬陵如翻

有司擒之上釋不問

甲辰命郭子儀李抱玉馬璘朱泚分統諸道防秋之兵

璘離珍翻此且  
禮翻又音此

冬十月壬申信王瑄薨乙亥梁王璿

薨

二王皆玄宗子信以州為國名  
璿似宣翻

魏博節度使田承

嗣誘昭義將吏使作亂

使疏吏翻嗣祥  
吏翻誘羊久翻

十年春正月丁酉昭義兵馬使裴志清逐留後薛平帥其眾

歸承嗣

帥讀  
曰率

承嗣聲言救援引兵襲相州取之

相息  
亮翻

平奔洛

州

洛音

上表請入朝許之

上時掌翻  
朝直遙翻

辛丑郭子儀入

朝壬寅壽王瑁薨

瑁亦玄宗子  
音莫報翻

乙巳朱泚表請留

闕下以弟滔知幽州盧龍留後許之昭義裨將薛擇

為相州刺史薛雄為衛州刺史薛堅為洺州刺史皆薛

嵩之族也

相衛洺本皆昭義巡屬

戊申上命內侍魏知古如魏州

諭田承嗣使各守封疆承嗣不奉詔癸丑遣大將盧子

期取洺州楊光朝攻衛州乙卯西川節度使崔寧奏

破吐蕃數萬於西山

吐從嗽入聲

斬首萬級捕虜數千人

丙辰詔諸道兵有逃亡者非承制勅無得輒召募二

月乙丑田承嗣誘衛州刺史薛雄雄不從使盜殺之屠

其家盡據相衛四州之地

相衛已陷於承嗣磁洺雖未下而承嗣已據其地相衛二

州自此  
屬魏博

自置長吏掠其精兵良馬悉歸魏州逼魏知古

與共巡磁相二州

磁疾之翻

使其將士割耳務面

務力之翻

請承

嗣為帥

帥所類翻下同

辛未立皇子述為睦王逾為柳王連

為恩王溝為鄜王

柳丑林翻鄜芳無翻

迅為隨王造為忻王暹為

韶王運為嘉王遇為端王遙為循王

遙余律翻

通為恭王達

為原王逸為雅王

諸皇子皆以州為王國名

丙子以華州刺史李

承昭知昭義留後

華戶化翻

河陽三城使常休明

河陽縣本屬懷

州顯慶二年分屬河南府城臨大河長橋架水古稱設險此城後魏之北中城也東西魏兵爭又築中渾及南

城謂之河陽三城乾元中史思明再陷東京李光弼以重兵守河陽及雍王平賊令魚朝恩守河陽乃以河南之河清濟源溫四縣租稅入河陽三城使河南尹但隸領其縣額尋又以汜水軍賦屬之使疏吏翻

少恩其軍士防秋者歸休明出城勞之

少詩沼翻勞力到翻

防秋

兵與城內兵合謀攻之休明奔東都軍士奉兵馬使王惟恭為帥大掠數日乃定上命監軍冉庭蘭慰撫之監古

街翻

三月甲午陝州軍亂逐兵馬使趙令珍

陝失冉翻考異曰

唐歷三月二十八日辛卯陝州軍亂實錄唐統紀云甲午朔今從之觀察使李國清不能

禁卑辭徧拜將士乃得脫去

陝失冉翻將即亮翻

軍士大掠庫物



會淮西節度使李忠臣入朝過陝

朝直遙翻  
過古禾翻

上命忠臣

按之將士畏忠臣兵威不敢動忠臣設棘圍令軍士匿

名投庫物

設棘四圍周之令投  
所掠庫物於其中

一日獲萬緡盡以給其

從兵為賞

緡眉巾翻  
從才用翻

乙巳薛萼常休明皆詣闕請罪

上釋不問

初成德節度使李寶臣淄青節度使李正

已皆為田承嗣所輕

使疏吏翻淄莊  
持翻嗣祥吏翻

寶臣弟寶正娶承

嗣女在魏州與承嗣子維擊毬馬驚誤觸維死承嗣怒

囚寶正以告寶臣寶臣謝教勅不謹封杖授承嗣使撻

之承嗣遂杖殺寶正由是兩鎮交惡及承嗣拒命寶臣

正已皆上表請討之

上時掌翻

上亦欲因其隙討承嗣夏四

月乙未勅貶承嗣為永州刺史

永州漢零陵郡隋廢郡為永州

仍命河

東成德幽州淄青淮西永平汴宋河陽澤潞諸道發兵

前臨魏博若承嗣尚或稽違即令進討罪止承嗣及其

姪悅自餘將士弟姪苟能自拔一切不問

令力丁翻將即亮翻

時

朱滔方恭順與寶臣及河東節度使薛蕙訓攻其北正

已與淮西節度使李忠臣等攻其南五月乙未承嗣將

霍榮國以磁州降

磁州滏陽郡本漢廣平縣地隋廢郡於滏陽縣置磁州治滏陽本漢成安

縣地將即亮翻降戶

江翻下同磁牆之翻 丁未李正己攻德州拔之

德州自此屬平

盧軍李忠臣統永平河陽懷澤步騎四萬進攻衛州

統他綜翻

俗讀從上聲

六月辛未田承嗣遣其將裴志清等攻冀州志

清以其衆降李寶臣甲戌承嗣自將圍冀州寶臣使高陽軍使張孝忠將精騎四千禦之寶臣大軍繼至承嗣

燒輜重而遁

重直用翻冀州治信都縣將即亮翻又音如字騎奇寄翻高陽軍當置于瀛州高陽

縣兵志橫海北平高陽等軍皆屬平盧道蓋安史之亂以兵授張孝忠統制而屬於李寶臣因授高陽軍使耳

孝忠本奚也

張孝忠奚人世為乙失活部酋長

田承嗣以諸道兵四

合部將多叛而懼秋八月遣使奉表請束身歸朝

嗣祥史翻

將即亮翻使疎

吏翻朝直遙翻

辛巳郭子儀還邠州

入朝而還所鎮還從宣翻又音

如字邠卑旻翻

考異曰汾

子儀嘗奏除州縣官一人

陽家傳作丁丑今從實錄

不報僚佐相謂曰以令公勲德奏一屬吏而不從何宰相之不知體子儀聞之謂僚佐曰自兵興以來方鎮武臣多跋扈凡有所求朝廷常委曲從之此無它乃疑之也今子儀所奏事人主以其不可行而置之是不以武

臣相待而親厚之也諸君可賀矣又何怪焉聞者皆服

史言郭子儀忠純

己丑田承嗣遣其將盧子期寇磁州

將即亮翻

磁州之翻

九月戊申回紇白晝刺市人腸出

紇下沒翻刺七亦翻

有

司執之繫萬年獄其酋長赤心馳入縣獄

酋才由翻長知兩翻

斫

傷獄吏劫囚而去上亦不問

壬子吐蕃寇臨涇

吐從入

聲臨涇漢縣屬安定郡隋大業初改曰秋谷縣尋復曰臨涇縣唐屬涇州

癸丑寇隴州及普

潤大掠人畜而去百官往往遣家屬出城竄匿丙辰鳳

翔節度使李抱玉奏破吐蕃於美寧

隴州華亭縣大厯八年置義寧軍

李寶臣正已會于棗強

棗強縣前漢屬清河郡後漢省晉復置屬廣川郡魏隋以

來屬

進圍貝州田承嗣出兵救之兩軍各饗士卒成德

冀州

賞厚平盧賞薄既罷平盧士卒有怨言正已恐其為變

引兵退寶臣亦退李忠臣聞之釋衛州南度河屯陽武

陽武縣屬鄭州本原武城武德四年置陽武縣北至衛州五十許里

寶臣與朱滔攻滄州

承嗣從父弟庭玠守之

從才用翻

寶臣不能克

吐蕃寇涇

州涇原節度使馬璘破之於百里城

吐從瞰入聲使疏吏翻璘離珍翻

考異曰汾陽家傳九月吐蕃略潘原西而還八日至小石門白草川十八日下朝那川二十日至里城營支

唐原入華亭十月公遣潭城李懷光與幽州義寧汴  
宋軍會于故平涼縣三日詰朝大破之今從實錄

戊

午命盧龍節度使朱泚出鎮奉天行營

泚且禮翻又音此

冬

十月辛酉朔日有食之

盧子期攻磁州

磁牆之翻考異曰舊李

寶臣傳作攻邢州今從實錄

城幾陷

幾居依翻

李寶臣與昭義留後李承

昭共救之大破子期於清水

按新書田承嗣傳清水作臨水晉置臨水縣於溢口

之右屬廣平郡後魏及隋屬魏郡唐初省永泰元年薛嵩表于臨水故城置昭義縣屬磁州

擒子期

送京師斬之河南諸將又大破田悅于陳留

陳留漢縣後魏廢隋

開皇六年復置時屬汴州九域志在州東五十二里將即亮翻

田承嗣懼初李正己遣

使至魏州承嗣囚之至是禮而遣之遣使盡籍境內戶

口甲兵穀帛之數以與之曰承嗣今年八十有六

嗣祥吏翻

考異曰按承嗣卒時年七十五此云八十六蓋欺正已

溘死無日

溘口谷翻奄也莊子曰溘然而

死謂奄然也

諸子不肖悅亦孱弱

孱士山翻

凡今日所有為公守

耳

為于偽翻豈足以辱公之師旅乎立使者於庭南向拜而

授書又圖正己之像焚香事之正己悅遂按兵不進於

是河南諸道兵皆不敢進承嗣既無南顧之虞得專意

北方上嘉李寶臣之功遣中使馬承倩齎詔勞之

勞力到翻



將還寶臣詣其館遺之百緡

遺于季翻

承倩詬詈擲出道中

寶臣慙其左右

為承倩署辱顧見左右而自慙也詬許候翻又古候翻

兵馬使王

武俊說寶臣曰

使疎吏翻說式尚翻下客說同

今公在軍中新立功豎

子尚爾况寇平之後以一幅詔書召歸闕下一匹夫耳

不如釋承嗣以為己資寶臣遂有玩寇之志承嗣知范

陽寶臣鄉里心常欲之

寶臣本范陽內屬奚范陽將張頊高畜為假子因冒其姓歸唐

又賜姓李

因刻石作讖云二帝同功勢萬全將田為侶入幽

燕密令瘞寶臣境內

讖楚譜翻瘞於計翻

使望氣者言彼有玉氣

寶臣掘而得之又令客說之曰公與朱滔共取滄州得之則地歸國非公所有公能捨承嗣之罪請以滄州歸公仍願從公取范陽以自効公以精騎前驅承嗣以步卒繼之蔑不克矣

令力丁翻說式  
丙翻騎奇寄翻

寶臣喜謂事合符讖

遂與承嗣通謀密圖范陽承嗣亦陳兵境上寶臣謂滔使者曰聞朱公儀貌如神願得畫像觀之滔與之寶臣置于射堂與諸將共觀之曰真神人也滔軍於瓦橋

將即

亮翻瓦橋古易京之地在莫州北三十里唐置瓦橋關宋白曰涿州歸義縣瓦子濟橋在涿州南易州東當九

河之末舊置瓦橋關後周置雄州

寶臣選精騎二千通夜馳三百里襲

之戒曰取貌如射堂者時兩軍方睦滔不虞有變狼狽

出戰而敗會衣它服得免

衣於既翻

寶臣欲乘勝取范陽滔

使雄武軍使昌平劉忬守留府

忬善耕翻

寶臣知有備不敢

進承嗣聞幽恒兵交即引軍南還

嗣還

祥吏翻恒戶登翻從宣翻又音如字

使謂寶臣曰河內有警不暇從公石上識文吾戲為之

耳寶臣慙怒而退

功

考異曰舊王武俊傳曰代宗嘉其使中貴人馬承倩齎詔宣勞承倩

將歸止傳舍寶臣親遺百緡承倩詬罵擲出道中王武俊勸玩養承嗣以為已資寶臣曰今與承嗣有讐矣可

推腹心哉武俊曰勢同患均轉寇讎為父子款唾間耳  
若傳虛言無益也今中貴人劉清譚在驛斬首送承嗣  
承嗣立質妻孥矣寶臣曰吾不能如此武俊曰朱滔為  
國屯兵滄州請擒送承嗣以取信許之按承嗣方求解  
于寶臣何必擒滔以取信且承倩尚在傳舍武俊何不  
勸斬承倩而斬清潭乎寶臣自以承嗣誘之共取幽州  
故襲朱滔非因承倩  
之辱也今從唐紀

寶臣既與朱滔有隙以張孝忠為

易州刺史使將精騎七千以備之

史言田承嗣凶狡過于諸帥宋白曰易州

東至幽州二百一十四里將

即亮翻又音如字騎奇寄翻

丙寅貴妃獨孤氏薨丁

卯追謚貞懿皇后

謚神至翻

十一月丁酉田承嗣將吳希

光以瀛州降嶺南節度使路嗣恭擢流人孟瑤敬覓

為將

考異曰郭侯家傳作敬儼今從舊傳

討哥舒晃瑤以大軍當其衝

晃自間道輕入

間古覓翻輕墟正翻

丁未克廣州斬哥舒晃

異曰考

舊嗣恭傳云嗣恭平廣州商舶之徒多因晃事誅之嗣恭前後沒其家財寶數百萬貫盡入私室不以貢獻代宗心甚銜之故嗣恭雖有平方面功止轉檢校兵部尚書無所酬勞建中寶錄曰自兵興以來諸軍殺將帥而要君者多矣皆因授其任以苟安之其王師征討不失有罪始斯役也既而有謗其收南海府庫聞上不實不得用久之按代宗以嗣恭附元載遺載瑠璃盤惡之故不用耳事見韞侯家傳或當時亦有人迎合以匿貨謗嗣恭不可知也今不取李肇國史補云路嗣恭初平五嶺元載奏嗣恭多取南人金寶是欲為亂陛下不信試召必不入朝三伏中追詔至嗣恭不慮請待秋涼以修覲禮江西判官柳渾入而泣曰公有功方暑而追是為

執政所中今少遭延必族滅也嗣恭懼曰為之奈何渾  
曰健步追還表緘公今日過江宿石頭驛乃可從之代  
宗謂元載曰嗣恭不俟駕行矣載無以對按嗣恭素附  
元載載誅賴李泌營救得免事見鄴侯家傳載豈有謬  
嗣恭云欲為亂之理蓋載已被誅而召嗣恭適在三伏  
渾有此疑時人因以為渾美事耳今不取 余按去年  
命路嗣恭為嶺南節度使討哥舒晃嗣恭既誅晃而平  
廣州則當在廣州柳渾若以江西判官從嗣恭亦當在  
廣州今諫嗣恭請奉詔就道乃言過江宿石頭驛石頭  
驛在豫章江之西岸嗣恭自江西觀察赴召可言宿石  
頭驛自嶺南節度赴召安得宿 及其黨萬餘人嗣恭之  
石頭驛哉亦可以明李肇之悞

討晃也容管經略使王翺遣將將兵助之西原賊帥覃

問乘虛襲容州

姓譚梁有東寧州刺史覃元先則蠻中有覃姓尚矣

翺伏兵擊擒

之 十二月回紇千騎寇夏州

考異曰此事出汾陽家傳實錄新舊紀皆無

之按實錄明年二月加朔方戍兵以備回紇則是回紇嘗入寇也

州將梁榮宗破之於

烏水

烏水在夏州朔方縣貞觀七年開延化渠引烏水入庫狄澤將即亮翻

郭子儀遣兵

三千救夏州回紇遁去

夏戶雅翻回紇下沒翻

元載王縉奏魏州

鹽賈請禁鹽入其境以困之

載祖亥翻又音如字縉音晉

上不許曰

承嗣負朕百姓何罪 田承嗣請入朝李正己屢為之

上表乞許其自新

嗣祥吏翻朝直遥翻為于偽翻上時掌翻

十一年春正月壬辰遣諫議大夫杜亞使魏州宣慰

使疎

吏翻

辛亥西川節度使崔寧奏破吐蕃四節度及突厥

吐谷渾氏羣蠻衆二十餘萬斬首萬餘級

吐從暇入聲厥九勿

翻

二月庚辰田承嗣復遣使上表請入朝

復扶又翻

上乃

下詔赦承嗣罪復其官爵聽與家屬入朝其所部拒朝

命者一切不問 辛巳增朔方五城戍兵以備回紇

朔方

先統三受降城并振武豐安定遠為六城時三受降城屬振武軍使朔方統豐安定遠新昌豐寧保寧謂之塞

下五城統下沒翻

三月戊子河陽軍亂逐監軍冉庭蘭出城

大掠三日庭蘭成備而入誅亂者數十人乃定

監古銜翻



五月汴宋留後田神玉卒都虞候李靈曜殺兵馬使濮

州刺史孟鑒止結田承嗣為援

汴皮變翻卒子恤翻使疎吏翻濮博木翻嗣祥

吏翻癸巳以永平節度使李勉兼汴宋等八州留後

汴宋曹濮

充鄆徐泗八州濮博木翻

乙未以靈曜為濮州刺史靈曜不受詔六

月戊午以靈曜為汴宋留後遣使宣慰 秋七月田承

嗣遣兵寇滑州敗李勉

滑州永平節度治所敗補邁翻

吐蕃寇石門

入長澤川

長澤川後魏置闡熙郡隋廢郡為長澤縣屬夏州吐蕃寇原州遂北入夏州界也宋白曰

長澤縣漢朔方郡三封縣之地三封故城赫連勃勃據之築為統萬城又按原州北有長澤監吐從敵入聲

八月丙寅加盧龍節度使朱泚同平章事

考異曰實錄閏八

月已亥遣朱泚如奉天行營按去年已云泚出鎮奉天行營至此又云明年九月又云蓋泚每年往奉天防秋至春還京師但實錄不載其入朝耳

李靈曜既為留後益驕慢悉以其

黨為管內八州刺史縣令欲效河北諸鎮甲申詔淮西

節度使李忠臣永平節度使李勉河陽三城使馬燧討

之淮南節度使陳少游淄青節度使李正己皆進兵擊

靈曜汴宋兵馬使攝節度副使李僧惠

少始照翻考異曰汾陽家傳

作李思惠今從舊傳

靈曜之謀主也宋州牙門將劉昌遣僧神表

潛說僧惠僧惠召問計昌為之泣陳逆順

將即亮翻說式芮翻為于

偽翻

僧惠乃與汴宋牙將高憑石隱金遣神表奉表詣京

師請討靈曜九月壬戌以僧惠為宋州刺史憑為曹州

刺史隱金為鄆州刺史乙丑李忠臣馬燧軍于鄭州

汴皮

變翻鄆音運

靈曜引兵逆戰兩軍不意其至退軍滎澤

隋分滎陽

縣置滎澤縣唐屬鄭州九域志在州西北四十五里

淮西軍士潰去者什五六鄭

州士民皆驚走入東都忠臣將歸淮西燧固執不可曰

以順討逆何憂不克奈何自弃功名堅壁不動忠臣聞

之稍收散卒數日皆集軍勢復振

史言李忠臣因馬燧以成功復扶又翻

戊辰李正己奏克鄆濮二州壬申李僧惠敗靈曜兵于

雍丘

濮博木翻敗補邁翻下敗永同

冬十月李忠臣馬燧進擊靈曜忠

臣行汴南燧行汴北屢破靈曜兵壬寅與陳少遊前軍

合與靈曜大戰於汴州城西靈曜敗入城固守癸卯忠

臣等圍之田承嗣遣田悅將兵救靈曜敗永平淄青兵

於匡城

少始照翻匡城漢長垣縣隋開皇十六年更名時屬滑州

乘勝進軍汴州營

於城北數里丙午忠臣遣裨將李重倩將輕騎數百夜

入其營縱橫貫穿

縱子容翻  
穿尺絹翻

斬數十人而還

還從宣翻  
又如字

營中大駭忠臣燧因以大軍乘之鼓譟而入悅衆不戰

而潰悅脫身北走將士死者相枕藉不可勝數

譟則寔  
翻枕職

任翻藉慈夜  
翻勝音升

靈曜聞之開門夜遁汴州平重倩本奚也

丁未靈曜至韋城

隋分白馬縣置韋城縣於古韋國之  
墟故曰韋城時屬滑州九域志韋城

縣在滑州東  
南五十里

永平將杜如江擒之燧知忠臣暴戾以已

功讓之不入汴城

將即亮翻  
汴皮變翻

引軍西屯板橋忠臣入城

果專其功宋州刺史李僧惠與之爭功忠臣因會擊殺

之又欲殺劉昌昌遁逃得免甲寅李勉械送李靈曜至

京師斬之十二月丁亥李正己李寶臣並加同平章

事 涇原節度使馬璘疾亟以行軍司馬段秀實知節

度事付以後事秀實嚴兵以備非常丙申璘薨

使疎吏  
翻璘離

珍翻

考異曰寶錄庚寅璘薨段公別傳曰十二月景

申馬公薨十二年正月八日奉制除涇州刺史知節度

事實錄又云丁酉以段秀實知河東留後接時馬璘新

薨秀實涇原留後備禦吐蕃豈可撤之使攝河東蓋奏

報未至有斯命尋聞璘薨

軍中奔哭者數千人喧咽門

遂除涇原耳亟紀力翻

屏秀實悉不聽入命押牙馬頔治喪事於內

頔徒歷翻  
治直之翻

李漢惠接賓客於外妻妾子孫位於堂宗族位於庭將  
佐位於前牙士卒哭於營伍百姓各守其家有離立偶  
語於衢路輒執而囚之

記曲禮曰離立者不出中間注云離兩也

非護喪從

行者無得遠送致祭拜哭皆有儀節送喪近遠皆有定  
處違者以軍法從事都虞候史廷幹兵馬使崔珍十將  
張景華謀因喪作亂秀實知之奏廷幹入宿衛徙珍屯

靈臺補景華外職不戮一人軍府晏然

自高仙芝喪師於大食段秀實

始見於史其後責李嗣業不赴難湓水之潰保河清以  
濟歸師在邠州誅郭晞暴橫之卒與馬璘議論不阿及

治喪曲防周慮以安軍府最後笏擊朱泚以璘家富有身徇國其事業風節卓然表出於唐諸將中

無筭治第京師甲於勳貴

以功勳致貴顯故曰勳貴治直之翻

中堂費二

十萬繕宅室所減無幾

幾居豈翻

其子孫無行

行下孟翻

家貲尋

盡

史言殖貨無厭者適以為不肖子孫之資

戊戌昭義節度使李承昭表

稱疾篤以澤潞行軍司馬李抱真兼知磁邢兩州留後

使疏吏翻

庚戌加淮西節度使李忠臣同平章事仍

磁牆之翻

領汴州刺史治汴州

李忠臣破李靈曜得汴州即以與之汴皮變翻

十二年春三月乙卯兵部尚書同平章事鳳翔懷澤潞



秦隴節度使李抱玉薨

尚辰羊翻

弟抱真仍領懷澤潞留後

癸亥以河東行軍司馬鮑防為河東節度使防襄州

人也 田承嗣竟不入朝又助李靈曜上復命討之承

嗣乃復上表謝罪

嗣祥吏翻朝直延翻復扶又翻上時掌翻

上亦無如之何

庚午悉復承嗣官爵仍令不必入朝

令力丁翻

中書侍郎

同平章事元載專橫

載祖亥翻又音如字橫戶孟翻

黃門侍郎同平章

事王縉附之二人俱貪載妻王氏

載妻王忠嗣之女縉音晉

及子伯

和仲武縉弟妹及尼出入者爭納賄賂

尼女夷翻

又以政事

委羣吏士之求進者不結其子弟及主書卓英倩等無

由自達上含容累年載縉不悛

後丑  
緣翻

上欲誅之恐左右

漏泄無可與言者獨與左金吾大將軍吳湊謀之湊上

之舅也

吳湊章敬  
皇后弟也

會有告載縉夜醮圖為不軌者庚辰

上御延英殿命湊收載縉於政事堂

政事堂在東省屬  
門下自中宗後徙

堂於中書省則堂在右省也案裴炎傳故事宰相於門  
下省議事謂之政事堂故長孫無忌為司空房玄齡為  
僕射魏徵為太子太師皆知門下省事至中宗時裴炎  
為中書令執政事筆故徙政事堂於中書省載祖亥翻

又音如字

縉音晉

又收仲武及卓英倩等繫獄命吏部尚書劉

晏與御史大夫李涵等同鞠之

尚辰羊翻

問端皆出禁中

問端

猶今言問頭也

仍遣中使詰以陰事載縉皆伏罪

使疎吏翻詰去吉翻

是

日先杖殺左衛將軍知內侍省事董秀於禁中乃賜載

自盡於萬年縣載請主者願得快死主者曰相公須受

少污辱

相息亮翻少詩沼翻

勿恠乃脫穢韞塞其口而殺之

穢勿伐翻

足衣塞悉則翻

王縉初亦賜自盡劉晏謂李涵等曰故事重刑

覆奏況大臣乎且法有首從

首謂罪首從謂從生從才用翻

宜更稟進

止涵等從之上乃貶縉枯州刺史

宋白曰枯州晉為永嘉郡隋改處州尋為

枯州因枯蒼山為名劉昫曰京師東南四千二百七十八里

載妻王氏忠嗣之女也

及子伯和仲武季能皆伏誅有司籍載家財胡椒至八

百石

嗣祥吏翻本草曰胡椒生西戎形如鼠李子調食用之味甚辛辣徐表南中記曰生南海諸國

它

物稱是

稱尺證翻

夏四月壬午以太常卿楊綰為中書侍

郎禮部侍郎常袞為門下侍郎並同平章事綰性清儉簡素制下之日朝野相賀郭子儀方宴客聞之減坐中

聲樂五分之四

朝直遙翻坐祖臥翻

京兆尹黎幹騶從甚盛

騶凡尤翻

從才用翻

即日省之止存十騎中丞崔寬第舍宏侈亟毀撤

之 癸未貶吏部侍郎楊炎諫議大夫韓洄包佶

佶巨乙翻

起居舍人韓會等皆載黨也炎鳳翔人載常引有文學

才望者一人親厚之異日欲以代已故炎及于貶

載祖亥翻

又音如字洄滉之弟會南陽人也上初欲盡誅炎等吳湊諫

救百端始貶官 丁酉吐蕃寇黎雅州

武后大足元年以雅州之漢源

飛越舊州之陽山置黎州吐從畷入聲

西川節度使崔寧擊破之

元載

以仕進者多樂京師惡其逼已

樂音洛惡鳥路翻

乃制俸祿厚

外官而薄京官京官不能自給常從外官乞貸楊綰常

袞奏京官俸太薄

資他代翻又土得翻俸扶用翻

已酉詔加京官俸歲

約十五萬六千餘緡

唐會要開元二十四年初百官料錢宜合為一色都以月俸為名各

據本官隨月給付一品三十千二品二十四千三品十七千四品十一千五品九千二百六品五千三百七品四千五十八品二千四百七十五九品一千九百一十七至大歷十二年加京官俸三師三公侍中中書令每月各一百二十貫文中書門下侍郎月各一百貫文東宮三太左右僕射各八十貫文東宮三少各七十貫文尚書御史大夫太常卿各六十貫文常侍宗正卿太子詹事國子祭酒各五十貫文左右丞及諸司侍郎給舍中丞賓客殿中祕書監司農等卿將作等監各四十五貫文太子二庶子太常少卿各四十貫文諫議諸司少卿少監各三十五貫文國子司業內侍東宮三卿各三十貫文郎中侍御史司天監少詹事諸王傳國子博士

諭德中允中舍殿中祕書太常宗正丞各二十五貫文  
殿中侍御史著作郎大理正都水使者總監內常侍內  
給事各二十貫文員外郎通事舍人起居王府長史各  
十八貫文監察御史臺主簿補闕王府司馬司天少監  
太子典內太常博士主簿宗正主簿門下錄事中書主  
書各十五貫文拾遺司議太子文學祕書著作佐郎國  
子太學四門廣文博士大理司直詹事府丞及諸寺監  
丞謁者監中書門下主事各十二貫文洗馬贊善諸寺  
監主簿詹事府司直各十貫文評事八貫文諸校正各  
六貫文諸奉御九成總監諸王諮議友諸陵令各六貫  
二百文城門符寶國子助教六局郎王府掾屬太常侍  
醫文學錄事參軍主簿記室諸衛及六軍長史兩市令  
諸副總監武庫署令太公廟令各五貫三百文太子通  
事舍人東宮三寺丞太學廣文助教內坊丞諸直長內  
寺伯千牛衛及諸率府長史諸陵丞諸陵署諸王府判  
司司竹溫泉監尚書都事都水及諸總監丞司天臺丞

欽定四庫全書

卷二百二十五

太子侍醫諸司上局署令王府國令苑四面副監公主  
邑司令各四貫一百一十六文國子四門助教律醫學  
博士協律郎內謁者諸衛六軍左右衛率府等衛佐諸  
王府參軍大農都省兵吏禮房考功主事春坊錄事司  
竹副監諸司中局署令都水主簿諸司上局署及監廟  
司丞司天臺靈臺郎保章挈壺正太常針醫及醫監尚  
藥局司醫各二貫四百七十文太祝奉禮省中諸行主  
事門下典儀御史臺殿中祕書內侍省春坊詹事府主  
事諸寺監諸衛六軍諸司錄事諸司中局署丞及大理  
獄丞諸司監作監事諸率府錄事殿中省醫佐食醫奉  
輦司庫司原奉乘鴻臚寺掌客司儀太僕主乘內坊典  
直司天臺司辰司醫監內侍省宮教博士東宮三寺主  
簿太常太樂鼓吹丞醫正按摩呪禁卜筮博士及針醫  
卜助教國子書算博士及助教諸王府國丞尉諸總監  
主簿各一貫九百一十七文武官左右金吾大將軍各  
四十五貫文六軍大將軍左右金吾將軍各四十貫文



諸衛大將軍六軍將軍各三十貫文諸衛將軍各二十  
五貫文諸衛及六軍中郎將諸率府率副率各一十貫  
五百六十七文諸衛及六軍郎將諸王府典軍副各九  
貫二百文諸衛及六軍司陞千牛及左右備身各五貫  
三百文諸衛及六軍中候太子千牛各四貫一百六十  
六文諸衛及六軍司戈太子備身各二貫四百七十五  
文諸衛及六軍執戟及長上各一貫九百一十七文京  
兆及諸府尹各八十貫文少尹兩縣令各五十貫文奉  
先昭應醴泉等縣令司錄各四十五貫文畿令各四十  
貫文判司兩縣丞各三十五貫文兩縣簿尉奉先等縣  
丞各三十貫文奉先縣簿尉諸畿令各二十五貫文畿  
簿尉各二十貫文參軍文學博士錄事各一十貫文應  
給百司正員文武官月料錢外檢校官同中書門下平  
章事每月一百二十貫文內侍省監每月四十五貫文  
每年約加一十  
五萬六千貫文

五月辛亥詔自都團練使外悉罷諸州

團練守捉使又令諸使非軍事要急無得擅召刺史及  
停其職務差人權攝又定諸州兵皆有常數其召募給  
家糧春冬衣者謂之官健差點土人春夏歸農秋冬追  
集給身糧醬菜者謂之團結自兵興以來州縣官俸給  
不一重以元載王縉隨情徇私

俸扶用翻重直用翻載  
祖亥翻又音如字縉音

晉刺史月給或至千緡或數十緡至是始定節度使以

下至主簿尉俸祿

縉眉中翻使疏吏翻自是年定俸之  
後至于會昌則又倍之節度使三十

萬都防禦使副使監軍十五萬觀察使十萬諸府尹大  
都督府長史都團練使副使上州刺史八萬節度副使

中下州刺史知軍事七萬諸府少尹六萬五千上州別駕五萬  
五千上州長史司馬五萬觀察團練判官掌書記五萬諸大都  
督府司錄參軍事鵠赤縣令四萬五千節度推官支使防禦  
判官上州錄事參軍鵠縣上縣令四萬諸大都督府判官赤  
縣丞三萬五千觀察防禦團練推官巡官鵠赤縣丞兩  
赤縣主簿尉上州功曹參軍以下上縣丞三萬鵠縣丞  
鵠赤縣簿尉二萬五千鵠縣上縣主簿尉二萬由會昌  
以前其間世有增減不可計也按類篇鵠翻阮切鷹二  
觀色新地理志唐京兆有赤縣次赤縣諸負郭  
亦皆為次赤縣鵠赤字義不可曉蓋次赤也

培多益

寡上下有敘法制粗立

粗坐五翻

庚午上遣中使發元載

祖父墓斲棺弃尸毀其家廟焚其木主戊寅卓英倩等

皆杖死英倩之用事也弟英璘橫於鄉里

璘離珍翻橫戶孟翻

及

英倩下獄

下戶嫁翻

英璘遂據險作亂上發禁兵討之乙巳

金州刺史孫道平擊擒之上方倚楊綰使釐革弊政

會綰有疾秋七月己巳薨上痛悼之甚謂羣臣曰天不

欲朕致太平何奪朕楊綰之速八月癸未賜東川節

度使鮮于叔明姓李氏

使疎吏翻

元載王縉之為相也上

日賜以內厨御饌可食十人

饌雖戀翻又雖皖翻食祥吏翻

遂為故事

癸卯常袞與朱泚上言餐錢已多

餐錢蓋所謂食料錢也泚且禮翻又音此

上時乞停賜饌許之袞又欲辭堂封同列不可而止

唐制

堂封歲三千六百繼興元  
後纔千一百德宗尋復舊

時人譏衮以為朝廷厚祿所

以養賢不能當辭位不當辭祿

朝直  
廷翻

臣光曰君子恥食浮於人衮之辭祿廉恥存焉與夫

固位貪祿者不猶愈乎

扶夫音

詩云彼君子兮不素餐

兮

詩伐檀  
之辭

如衮者亦未可以深譏也

楊綰常袞薦湖州刺史顏真卿

大歷元年真卿以攻元  
載貶峽州別駕尋改為

吉州司馬遷撫  
湖二州刺史

上即日召還

還從宣翻  
又音如字

甲辰以為刑部

尚書

尚辰  
羊翻

綰袞又薦淮南判官汲人闕播擢為都官員

外郎

唐都官郎掌配役隸簿錄俸因以給衣糧藥療以理訴競雪冤凡公私良賤必周知之屬刑部

九月辛酉以四鎮北庭行營兼涇原鄭頰節度副使段

秀實為節度使

考異曰段公別傳曰自授鉞三五年間西鄙無烽燧之警又曰戎帥論乞力

陀慕公清德不敢侵陵我疆舊傳亦曰三四年間吐蕃不敢犯塞按是月吐蕃寇原州十二月朱泚拒吐蕃自涇州還明年九月吐蕃逼涇州云三四年間不敢犯塞蓋史家溢美之辭耳

秀實軍令簡約

有威惠奉身清儉室無姬妾非公會未嘗飲酒聽樂

吐蕃八萬衆軍于原州北長澤監

蓋長澤川唐舊置馬監於此吐從瞰入聲

下已已破方渠

方渠漢縣屬北地郡後省中宗神龍三年分馬嶺置方渠縣屬慶州宋白續通

典靈州方渠鎮宋初置通遠軍秦長城在城北一里

入拔谷郭子儀使裨將李懷

光救之吐蕃退庚午吐蕃寇坊州冬十月乙酉西川

節度使崔寧奏大破吐蕃於望漢城

吐蕃築城於西山以望蜀因名望漢

城使疏

吏翻

先是秋霖河中府池鹽多敗

河中府管下安邑解縣皆有鹽

池先悉

薦翻

戶部侍郎判度支韓滉恐鹽戶減稅丁亥奏雨

雖多不害鹽仍有瑞鹽生

度徒洛翻滉呼廣翻宋白曰大歷初韓滉進漫生鹽以為

靈瑞後又

上疑其不然遣諫議大夫義興蔣鎮往視之

秦乳鹽生

義興漢陽羨縣地晉置義興郡

及縣隋廢郡存縣以屬常州

吐蕃寇鹽夏州又寇

長武

邠州宜祿縣有長武城時郭子儀遣李懷光蔡長武城據原首臨涇水俯瞰通道吐蕃自是不敢輕

犯宋白曰長武鎮在鳳翔府麟遊縣界西至涇州四十里夏戶雅翻

郭子儀遣將拒却之

將即

亮翻

以永平軍押牙匡城劉洽為宋州刺史

考異曰舊劉

玄佐傳云李靈曜據汴州洽將兵乘其無備徑入宋州按劉昌以宋州牙門將說李僧惠歸順則是僧惠先已為靈曜守宋州朝廷因授宋州刺史耳若僧惠未降則洽不能得宋州已降則不敢取宋州蓋僧惠已為李忠臣所殺洽因引兵據宋州耳舊傳欲以為洽功故云然其實非也永平軍治滑州

仍以宋泗二

州隸永平軍

京兆尹黎幹奏秋霖損稼韓滉奏幹不

實上命御史按視丁未還奏所損凡三萬餘頃渭南令



劉澡

渭南縣唐初屬華州時屬雍州宋白曰郭緣生述征記云渭南縣夷狄所置謂苻姚也

阿附

度支

謂阿附韓滉度徒洛翻

稱縣境苗獨不損御史趙計奏與澡

同上曰霖雨溥博豈得渭南獨無更命御史朱教視之

損三千餘頃上歎息久之曰縣令字人之官不損猶應

言損迺不仁如是乎貶澡南浦尉

後魏分胸臆縣置漁泉縣後周改曰萬川

隋改曰南浦

計澧州司戶而不問滉

澧音禮滉呼廣翻

十一

唐帶萬州

月壬子山南西道節度使張獻恭奏破吐蕃萬餘衆于

岷州

使疎吏翻吐從嗽入聲

丙辰蔣鎮還奏言瑞鹽實如韓滉

所言仍上表賀

還從宣翻又音如字上時掌翻

請宣付史臣錫以嘉名

上從之賜號寶應靈應池

賜號者安邑池也

時人醜之 十二

月丙戌朱泚自涇州還京師

朱泚自幽州入朝遂留京師因遣防秋而還還從宣

翻又音如字

丁亥崔寧奏破吐蕃十餘萬衆斬首八千餘

級吐從嗽入聲

庚子以朱泚兼隴右節度使知河西澤潞

行營 平盧節度使李正己先有淄青齊海登萊沂密

德棣十州之地及李靈曜之亂諸道合兵攻之所得之

地各為已有正己又得曹濮徐兗鄆五州因自青州徙

治鄆州使其子前淄州刺史納守青州

濰博本翻鄆音運考異曰寶

錄此年二月丙戌以納為青州刺史充淄青留後至此又云為青州刺史舊正已傳云正已自青州徙居鄆州使子納及腹心之將分理其地納傳云正已正已用刑

嚴峻所在不敢偶語然法令齊一賦均而輕擁兵十萬

雄據東方鄰藩皆畏之是時田承嗣據魏博相衛洺貝

澶七州

澶州漢東郡頓丘縣地隋開皇十六年分頓丘置澶淵縣唐改曰澶水避高祖諱也武德四年

分黎州之澶水魏州之頓丘觀城置澶州貞觀元年州廢大歷七年田承嗣表以魏州之頓丘臨黃復置澶州

嗣祥吏翻相息亮翻

洺音名澶時連翻

李寶臣據恒易趙定深冀滄七州

各擁衆五萬梁崇義據襄鄧均房復郢六州有衆二萬

相與根據蟠結雖奉事朝廷而不用其法令

恒戶登翻  
朝直進翻

官爵甲兵租賦刑殺皆自專之上寬仁一聽其所為朝

廷或完一城增一兵輒有怨言以為猜貳常為之罷役

為于偽翻而自於境內築壘繕兵無虛日以是雖在中國名

藩臣而實如蠻貊異域焉

十三年春正月辛酉勅毀白渠支流碾磴以溉田

碾尼展翻

磴五對翻磨也公輸班作磴後人又激水為之不煩人力引水激輪使自旋轉謂之水磨史炤曰碾磨也磴碾

也

昇平公主有二磴入見於上請存之

見賢通翻

上曰吾欲

以利蒼生汝識吾意當為衆先公主即日毀之戊辰

回紇寇太原河東押牙泗水李自良曰

統下沒翻唐節度使置都押牙

牙前重職也即今制置使司帳前都提舉之職泗水縣

屬兗州漢之卞縣也隋時分西界為汶陽縣於卞縣古

城置泗水縣

回紇精銳遠來求鬪難與爭鋒不如築二壘於

歸路以兵戍之虜至堅壁勿與戰彼師老自歸乃出軍

乘之二壘抗其前大軍蹙其後無不捷矣留後鮑防不

從遣大將焦伯瑜等逆戰癸酉遇虜於陽曲

將即亮翻宋白曰陽

曲漢舊縣後漢末移於太原北四十五里後魏南移於陽曲故城隋改曰陽直又移於汾陽故城改曰汾陽縣因漢汾陽縣名也煬帝又改陽直移理木井城今縣是也

大敗而還死者萬餘人回

紇縱兵大掠二月代州都督張光晟擊破之於羊武谷

還從宣翻又音如字紇下沒翻晟成  
正翻九域志代州崞縣有陽武寨

乃引去上亦不問

回紇入寇之故待之如初 己亥吐蕃遣其將馬重英

帥衆四萬寇靈州

吐從職入聲  
帥讀曰率

奪填漢御史尚書三渠

水口以弊屯田

史炤曰三渠謂填漢渠御  
史渠尚書渠也填讀曰鎮

三月甲戌

回紇使還過河中朔方軍士掠其輜重

朔方軍士之留  
屯河中者使疏

吏翻過古禾翻又古臥  
翻輜莊持翻重直用翻

因大掠坊市夏四月甲辰吐

蕃寇靈州朔方留後常謙光擊破之六月戊戌隴右

節度使朱泚獻猫鼠同乳不相害者以為瑞

此且禮翻又音此乳

如仕翻

常衮帥百官稱賀

帥讀曰率

中書舍人崔祐甫獨不賀

曰物反常為妖猫捕鼠乃其職也今同乳妖也

妖於驕翻

何

乃賀為宜戒法吏之不察奸邊吏之不禦寇者以承天

意上嘉之祐甫汚之子也

崔汚開元名臣汚彌充翻

秋七月以祐甫

知吏部選事祐甫數以公事與常衮爭由是惡之

為家奏貶

祐甫張本選須絹翻  
數所角翻惡鳥路翻

戊午郭子儀奏以回紇猶在塞

上邊人恐懼請遣邠州刺史渾瑊將兵鎮振武軍

邠卑  
晃翻

瑊古咸翻將即亮翻又音如字振武軍在單于都護府  
城內秦漢之雲中郡城也宋白曰振武軍即漢定襄郡  
之盛樂縣也在陰  
山之陽黃河之北從之回紇始去 辛未吐蕃將馬重

英二萬衆寇鹽慶二州

重直  
龍翻

郭子儀遣朔方都虞候李

懷光擊却之 八月乙亥成德節度使李寶臣請復姓

張許之

寶臣賜姓見二百二十二  
卷寶應元年使疏吏翻

吐蕃二萬衆寇銀

麟州略党項雜畜

吐從瞰入聲銀州漢西河郡固陰縣  
地麟州漢新秦中之地党底朗翻畜



許救

郭子儀遣李懷光擊破之 上悼念貞懿皇后不

已

貞懿皇后獨孤妃也十年薨

殯于內殿累年不忍葬丁酉始葬于

莊陵

莊陵在京兆三原縣西北五里

九月庚午吐蕃萬騎下青石嶺

逼涇州

青石嶺在涇州保定縣西宋白曰臨涇城直涇州西北九十里其界有青石嶺騎奇寄翻詔

郭子儀朱泚與段秀實共却之 冬十二月丙戌以吏

部尚書轉運鹽鐵等使劉晏為左僕射知三銓及使職

如故

尚辰羊翻射寅謝翻歐陽修曰凡選有文武文選吏部主之武選兵部主之皆為三銓尚書侍郎分

主之尚書掌其一侍郎分其二

郭子儀入朝命判官京兆杜黃裳主

留務李懷光陰謀代子儀矯為詔書欲誅大將溫儒雅

等黃裳察其詐以詰懷光

朝直進翻將即亮翻詰去吉翻

懷光流汗服

罪於是諸將之難制者黃裳矯子儀之命皆出之於外

軍府乃安以給事中杜亞為江西觀察使上召江西

判官李泌入見

泌毗必翻李泌出佐江西見上卷五年見賢遍翻

語以元載事

曰與卿別八年乃能誅此賊賴太子發其陰謀

此歸功於太子

耳語牛倂翻

不然幾不見卿對曰臣昔日固嘗言之陛下知

羣臣有不善則去之

幾居依翻去羗呂翻

含容太過故至於此上

曰事亦應十全不可輕發上因言朕面屬卿於路嗣恭

屬之  
欲翻

而嗣恭取載意奏卿為虔州別駕嗣恭初平嶺南

獻琉璃盤徑九寸朕以為至寶及破載家得嗣恭所遺

載琉璃盤徑尺

遺于季翻程大昌曰漢西域傳屬賓國有琥珀流離師古注曰魏略云大秦國

出赤白黑黃青綠縹紺紅紫十種流離此蓋自然之物  
采澤光潤踰于衆玉今俗所用皆消冶石汁加以衆藥  
灌而為之虛脆不耐實非真物案流離今書附玉旁為  
琉璃字師古之記是矣亦未得其詳也穆天子傳天子  
東征有采石之山凡好石之器於是出升山取采石鑄  
以成器注云采石文采之石也則鑄石為器古有之矣  
顏氏謂為自然之物恐不詳也北史大月氏傳魏太武  
時月氏人商販京師自云能鑄石為五色琉璃於是采

礦於山中即京師鑄之既成光澤乃美於西方來者自是琉璃遂賤用此言推之則雖西域琉璃亦用石鑄無自然生成者兼外國奇產中國未始無之獨不聞有所謂真琉璃也然中國所鑄有與西域異者鑄之中國色甚光鮮而質則輕脆沃以熱酒隨手破裂其來自海舶者製差鈍樸而色亦微暗其可異者雖百沸湯注之與磁銀無異了不復動是名蓄琉璃也蓄琉璃之異於中國其別蓋如此而未嘗聞以石琢之也余謂路嗣恭所獻者蓋師古所謂大秦琉璃自然之物否則代宗何以謂之至寶哉程大昌考之不詳耳

俟其至當

與卿議之泌曰嗣恭為人心善事人畏權勢精勤吏

事而不知大體昔為縣令有能名

路嗣恭始名劍客為蕭關令連徙神烏姑

感二縣考績為天下最玄宗以為可嗣漢魯恭因賜名

陛下未暇知之而為載所

用故為之盡力陛下誠知而用之彼亦為陛下盡力矣

為之亦為  
子偽翻

虔州別駕臣自欲之非其罪也且嗣恭新立

大功

即謂平嶺  
南之功

陛下豈得以一琉璃盤罪之邪上意乃

解以嗣恭為兵部尚書

邪音耶尚  
長羊翻

郭子儀以朔方節

度副使張曇性剛率謂其以武人輕已銜之

曇徒含翻  
銜戶絨翻

孔目官吳曜為子儀所任

諸鎮州皆有孔目官以綜理  
衆事吏職也言一孔一目皆

所綜  
理也

因而構之子儀怒誣奏曇扇動軍衆誅之掌書記

高郢力爭之子儀不聽奏貶郢猗氏丞

猗氏縣屬河中  
府宋白曰本郢

國地猗頓於此起富故曰猗氏既而僚佐多以病求去子儀悔之悉薦

之於朝曰吳曜誤我遂逐之

史言郭子儀過而能改朝直遙翻

常袞

言於上曰陛下久欲用李泌

泌昆必翻

昔漢宣帝欲用人為

公卿必先試理人請且以為刺史使周知人間利病俟

報政而用之

太公治齊五月而報政伯禽治魯三年而報政常袞用此語也

十四年春正月壬戌以李泌為澧州刺史

澧音禮

二月

癸未魏博節度使田承嗣薨

使疏吏翻嗣祥吏翻

有子十一人以

其姪中軍兵馬使悅為才使知軍事而諸子佐之甲申

以悅為魏博留後

為田緒殺  
悅張本

淮西節度使李忠臣貪

殘好色將吏妻女美者多逼淫之悉以軍政委妹壻節

度副使張惠光惠光挾勢暴橫軍州苦之忠臣復以惠

光子為牙將暴橫甚於其父

好呼到翻橫戶孟翻  
復扶又翻將即亮翻

左廂

都虞候李希烈忠臣之族子也為衆所服希烈因衆心

怨怒三月丁未與大將丁暲等

暲古  
老翻

殺惠光父子而逐

忠臣忠臣單騎奔京師

騎奇  
寄翻

上以其有功

吐蕃寇京師  
忠臣先諸鎮

赴援又有平李靈曜之功

使以檢校司空同平章事留京師以希烈

為蔡州刺史淮西留後

為李希烈以淮  
蔡畔援張本

以永平節度使

李勉兼汴州刺史增領汴潁二州徙鎮汴州

永平軍本  
治滑州汴

皮變  
翻

辛酉以容管經略使王翊為河中少尹知府事

河東副元帥留後部將凌正暴橫翊抑之

使疏吏翻翊  
戶萌翻少始

照翻帥所類翻將  
即亮翻橫戶孟翻

正與其徒乘夜作亂翊知之故縮漏

水數刻以差其期賊驚潰走擒正誅之軍府乃安成

德節度使張寶臣既請復姓

去年寶臣  
請復姓張

又不自安更請

賜姓夏四月癸未復賜姓李

復扶  
又翻

五月癸卯上始有



疾卒酉制皇太子監國

監古銜翻

是夕上崩于紫宸之內殿

上年五十二紫宸殿在東內宣政殿之北蓬萊殿之南

遺詔以郭子儀攝冢宰癸

亥德宗即位在諒陰中動遵禮法嘗召韓王迴食

迴德宗弟

也

食馬齒羹不設鹽酪

馬齒莧也酪音洛乳酪也

常哀性剛急為

政苛細不合衆心時羣臣朝夕臨

臨力鴆翻哭也

哀哭委頓從

吏或扶之

從才用翻

中書舍人崔祐甫指以示衆曰臣哭君

前有扶禮乎哀聞益恨之會議羣臣喪服哀以為禮臣

為君斬衰三年

為于偽翻哀倉回翻

漢文權制猶三十六日

事見十五

卷前漢文  
帝後七年

高宗以來皆遵漢制及玄宗肅宗之喪始服

二十七日今遺詔云天下吏人三日釋服古者卿大夫

從君而服皇帝二十七日而除在朝羣臣亦當如之祐

甫以為遺詔無朝臣庶人之別

朝直廷翻下  
同別彼列翻

朝野內外

莫非天下凡百執事孰非吏人皆應釋服相與力爭聲

色陵厲袞不能堪乃奏祐甫率情變禮請貶潮州刺史

上以為太重閏月壬申貶祐甫為河南少尹初肅宗之

世天下務殷宰相常有數人更直決事

更工  
銜翻

或休沐各

歸私第詔直事者代署其名而奏之自是踵為故事時

郭子儀朱泚雖以軍功為宰相皆不預朝政衮獨居政

事堂

唐初政事堂在門下省裴炎自侍中遷中書令乃徙政事堂於中書省三省長官議事於此

代

二人署名奏祐甫祐甫既貶二人表言其非罪上問卿

向言可貶今云非罪何也二人對初不知上初即位以

衮為欺罔大駭甲辰百官衮經序立于月華門

程大昌曰按六

典宣政殿前有兩廡兩廡各自有門其東曰日華日華

之東則門下省也西廡有門曰月華月華之西則中書

省也衮倉回紇

有制貶衮為潮州刺史

潮州去京師

以祐甫為

五千許里

門下侍郎同平章事聞者震悚祐甫至昭應而還

昭應縣本

新豐縣垂拱二年改曰慶山神龍元年復故名玄宗更

名昭應隋新豐治古新豐城北天寶昭應縣治昭應宮

北還從宣翻

又音如字

既而羣臣喪服竟用袞議上時居諒陰庶

政皆委於祐甫所言無不允初至德以後天下用兵諸

將競論功賞故官爵不能無濫及永泰以來天下稍平

而元載王縉秉政四方以賄求官者相屬於門

將即亮翻論魯

昆翻載祖亥翻又音如字縉音晉屬之欲翻

大者出於載縉小者出於卓英

倩等皆如所欲而去及常袞為相思革其弊杜絕僥幸

四方奏請一切不與而無所甄別賢愚同滯

相息亮翻  
僥堅亮翻

甄稽延翻察也別彼列翻

崔祐甫代之欲收時望推薦引拔常無虛

日作相未二百日除官八百人

考異曰舊紀云祐甫作相未逾年凡除吏幾

八百員多稱允當今從建中實錄

前後相矯終不得其適上嘗謂祐甫

曰人或謗卿所用多涉親故何也對曰臣為陛下選擇

百官

為于偽翻

不敢不詳慎苟平生未之識何以諳其才行

而用之

諳烏含翻行下孟翻下同

上以為然

臣光曰臣聞用人者無親疎新故之殊惟賢不肖之

為察其人未必賢也以親故而取之固非公也苟賢  
矣以親故而捨之亦非公也夫天下之賢固非一人  
所能盡也若必待素識熟其才行而用之所遺亦多  
矣

夫音扶行  
下孟翻

古之為相者則不然舉之以衆取之以

公衆曰賢矣已雖不知其詳姑用之待其無功然後  
退之有功則進之所舉得其人則賞之非其人則罰  
之進退賞罰皆衆人所共然也已不置豪髮之私於  
其間苟推是心以行之又何遺賢曠官之足病哉

詔罷省四方貢獻之不急者又罷梨園使及樂工三百

餘人

使疏吏翻梨園事始二百一十一卷玄宗開元二年程大昌曰梨園在先化門北先化門者禁苑南

面西頭

第一門所留者悉隸太常郭子儀以司途中書令領

河中尹靈州大都督單于鎮北大都護關內河東副元

帥朔方節度關內支度鹽池六城水運大使押蕃部及

營田及河陽道觀察等使

河中靈夏皆有鹽池朔方塞下有六城單音蟬帥所類翻

使疏吏翻

權任既重功名復大

復扶又翻

性寬大政令頗不肅代

宗欲分其權而難之久不決甲申詔尊子儀為尚父

太公

望為周師尚父說者謂  
可尚可父天子師也

加太尉兼中書令增實封滿二

千戶月給千五百人糧二百馬食子弟諸壻遷官者十  
餘人所領副元帥諸使悉罷之以其裨將河東朔方都  
虞候李懷光為河中尹邠寧慶晉絳慈隰節度使以朔  
方留後兼靈州長史常謙光為靈州大都督西受降城  
定遠天德鹽夏豐等軍州節度使振武軍使渾瑊為單  
于大都護東中二受降城振武鎮北綏銀麟勝等軍州  
節度使分領其任

將即亮翻邠卑晃翻長知兩翻降戶  
江翻夏戶雅翻渾戶昆翻又戶本翻



咸古  
咸翻

丙戌詔曰澤州刺史李鶚

鶚鳥諫翻

上慶雲圖

上時字翻

下得上言同

朕以時和年豐為嘉祥以進賢顯忠為良瑞如

卿雲靈芝珍禽奇獸怪草異木何益於人

卿雲即慶雲也

布告

天下自今有此無得上獻內莊宅使上言諸州有官租

萬四千餘斛上令分給所在充軍儲先是諸國屢獻馴

象凡四十有二

令力丁翻先悉薦翻

上曰象費豢養而違物性將

安用之命縱於荆山之陽

此禹貢所謂導沂及岐至于荆山者也唐屬京兆富平縣

及豹狃鬪鷄獵犬之類悉縱之

狃似豹無前足音女滑翻史炤曰狃似狸

蒼黑無前  
足善捕鼠

又出宮女數百人於是中外皆悅溜青軍士

至投兵相顧曰明主出矣吾屬猶反乎

溜莊持翻

戊子以

淮西留後李希烈為節度使

使疏吏翻

辛卯以河陽鎮遏

使馬燧為河東節度使河東承百井之敗

謂去年鮑防之敗也按東

都事略張齊賢傳柏井在并州城北  
四十里宋朝徙并州城於陽曲縣

騎士單弱燧悉召

牧馬廝役得數千人教之數月皆為精騎

騎奇寄翻

造甲必

為長短三等稱其所衣

稱尺證翻衣於阮翻

以便進趨又造戰車

行則載兵甲止則為營陳或塞險以遏奔衝

陳請曰陣塞悉則翻

器械無不精利居一年得選兵三萬辟兗州人張建封為判官署李自良代州刺史委任之 兵部侍郎黎幹

狡險諛佞與宦官特進劉忠翼相親善忠翼本名清譚

恃寵貪縱二人皆為眾所惡

惡鳥路翻

時人或言幹忠翼嘗

勸代宗立獨孤貴妃為皇后妃子韓王迥為太子上即

位幹密乘輦詣忠翼謀事事覺丙申幹忠翼並除名長

流至藍田賜死 以戶部侍郎判度支韓滉為太常卿

以吏部尚書劉晏判度支

度徒洛翻滉呼廣翻尚辰羊翻

先是晏滉分

掌天下財賦

先悉薦翻大歷六年韓滉判度支分掌財賦當在此時

晏掌江南山

南江淮嶺南滉掌關內河東劍南至是晏始兼之上素

聞滉掊克過甚

滉蒲侯翻

故罷其利權尋出為晉州刺史

晉州

治臨汾縣古平陽也京

師東北七百二十五里

至德初第五琦始權鹽以佐軍

用

事見二百一十九卷至德元載琦音奇權古岳翻

及劉晏代之法益精密初

歲入錢六十萬緒末年所入逾十倍而人不厭苦大歷

末計一歲所入總一千二百萬緒

緒眉中翻

而鹽利居其太

半以鹽為漕傭自江淮至渭橋

此東渭橋也

率萬斛傭七千

繕自淮以北列置巡院擇能吏主之不煩州縣而集事

六月己亥朔赦天下 西川節度使崔寧永平節度

使李勉並同平章事

使疏  
吏翻

詔天下寃滯州府不為理

為于 偽翻 聽詣三司使

所謂三司使即御史中丞中書省舍  
人門下省給事中也三人者各以一

司官來朝堂受詞故謂之三司  
非五代時理財之三司使也

以中丞舍人給事中各

一人日於朝堂受詞推決尚未盡者聽撾登聞鼓

唐時  
登聞

鼓在西朝堂之  
前撾側爪翻

自今無得復奏置寺觀

復杖  
又翻

及請度僧

尼於是撾登聞鼓者甚衆右金吾將軍裴諝上疏

諝私  
呂翻

以為訟者所爭皆細故若天子一一親之則安用吏理

乎上乃悉歸之有司制應山陵制度務從優厚當竭

帑藏以供其費

帑他朗翻藏徂浪翻

刑部員外郎令狐峘上疏諫

令力丁翻峘胡

登翻上時掌翻

其略曰臣伏讀遺詔務從儉約若制度

優厚豈顧命之意邪

邪音耶

上答詔略曰非唯中朕之病

中竹仲翻

抑亦成朕之美敢不聞義而徙峘德茶之玄孫也

令狐德茶事太宗茶扶分翻

庚子立皇子誦為宣王謨為舒王謨

為通王諒為虔王詳為肅王乙巳立皇弟廼為益王傀

為蜀王

譙氏王翻僂口狠翻又公  
回翻皆以州名為王國名

丙午舉先天故事

六品以上清望官雖非供奉侍衛之官日令二人更直

待制以備顧問

新志曰初太宗即位命京官五品以上  
更宿中書門下兩省以備訪問永徽中

命弘文館學士一人日待制於武德殿西門文明元年  
詔京官五品以上清官日一人待制于章善明福門先  
天末又命朝集使六品以上隨仗待制永泰時勳臣罷  
節制無職事皆待制于集賢門凡十三人崔祐甫為相  
建議文官一品以下更直待制其後著令正衙待制官  
日二人宋白曰時祐甫奏准元敕文官一品以下更直  
待制其待制官待奏事官盡然後趨出便於內廊賜  
待進止至酉時然後放令丁力翻更工衙翻下同

庚戌以朱泚為鳳翔尹

泚且禮翻  
又音此

代宗優寵宦官奉

使四方者不禁其求取嘗遣中使賜妃族還問所得頗

少

使疎吏翻還從宣翻又音如字少詩沼翻

代宗不悅以為輕我命妃懼遽

以私物償之由是中使公求賂遺無所忌憚

遺于季翻

宰相

嘗貯錢於閣中每賜一物宣一旨無徒還者

相息亮翻貯丁呂翻

出使所歷州縣移文取貨與賦稅同皆重載而歸上素

知其弊遣中使邵光超賜李希烈旌節希烈贈之僕馬

及縑七百匹黃茗二百斤

茗莫迴翻茶之晚取者

上聞之怒杖光

超六十而流之於是中使之未歸者皆潛弃所得於山



谷雖與之莫敢受 甲子以神策都知兵馬使右領軍

大將軍王駕鶴為東都園苑使

東都園苑使唐初苑總監之職也

以司

農卿白琇珪代之

琇珪故翻

更名志貞駕鶴典禁兵十餘年

權行中外上恐其生變崔祐甫召駕鶴與語留連久之

琇珪已視事矣 李正己畏上威名表獻錢三十萬緡

上欲受之恐見欺却之則無辭崔祐甫請遣使慰勞淄

青將士

使疏吏翻勞力到翻將即亮翻

因以正己所獻錢賜之使將士

人人戴上恩又諸道聞之知朝廷不重貨財上悅從之

正已大慙服天下以為太平之治庶幾可望焉

治直吏翻美居

衣翻 秋七月戊辰朔日有食之 禮儀使吏部尚書顏

真卿上言上元中政在宮壺始增祖宗之謚

尚辰羊翻上時掌翻

壺苦本翻宮中道也按咸亨五年八月十五日改元上元是日追尊高祖太宗政在宮壺謂武后專政也

玄

宗末姦臣竊命累聖之謚有加至十一字者

按天寶十三載加祖

宗謚號并廟號皆為九字而羣臣上玄宗尊號凡十四字未知顏真卿所謂加至十一字何帝也謚神至翻

按周之文武稱文不稱武言武不稱文豈盛德所不優

乎蓋羣臣稱其至者故也故謚多不為褒少不為貶

始少

紹 今累聖謚號太廣有踰古制請自中宗以上皆從初

謚

初謚高祖太武皇帝太宗文皇帝高宗天皇大帝中宗孝和皇帝

睿宗曰聖真皇帝

玄宗曰孝明皇帝肅宗曰宣皇帝以省文尚質正名敦

本上命百官集議儒學之士皆從真卿議獨兵部侍郎

袁倬

倬昌含翻又七感翻

官以兵進奏言陵廟玉冊木主皆已刊

勒不可輕改事遂寢不知陵中玉冊所刻乃初謚也

按唐

陵中玉冊自睿宗聖真皇帝以上所刻皆初謚然玄宗

謚冊曰至道大聖大明孝皇帝肅宗謚冊曰文明武德

大聖大宣孝皇帝袁倬所謂木

主玉冊皆已刊勒有見乎此耳

初代宗之世事多留

滯四夷使者及四方奏計或連歲不遣乃於右銀臺門

使疏吏翻右銀臺門在東內

宮城西面又北則九仙門

置客省以處之

處昌呂翻

及上

書言事失職未叙亦寘其中動經十歲常有數百人并

部曲畜產動以千計度支廩給其費甚廣

度徒洛翻

上悉命

疏理拘者出之事竟者遣之當叙者任之歲省穀萬九

千二百斛 壬申毀元載馬璘劉忠翼之第

載祖亥翻又音如字

璘離珍翻

初天寶中貴戚第舍雖極奢麗而垣屋高下猶存

制度然李靖家廟已為楊氏馬廐矣及安史亂後法度

墮弛

墮讀曰弛

大臣將帥競治第舍各窮其力而後止時人

謂之木妖

將即亮翻帥所類翻治直之翻妖於驕翻

上素疾之故毀其尤者

仍命馬氏獻其園隸官司

官司掌宮禁園隸者也

謂之奉成園

雍錄

奉成園在安邑坊自丹鳳門

南出東街第六坊為安邑坊

癸丑減常貢宮中服用

錦千匹服玩數千事 庚辰詔回紇諸胡在京師者各

服其服無得效華人先是回紇留京師者常千人

紇下沒翻

先悉薦翻

商胡偽服而雜居者又倍之縣官日給饗餼

熟曰饗生

曰饗餼許阮翻

殖貲產開第舍市肆美利皆歸之日縱貪橫

戶橫

孟吏不敢問或衣華服

衣於既翻華服中華之服也

誘取妻妾故禁

之誘年久翻

辛卯罷天下榷酒收利

唐初無酒禁乾元元年京師酒賁肅宗以

原食方絀乃禁京師酤酒期以麥熟如初二年饑復禁酤廣德二年定天下酤戶以月收稅權古岳翻

上之在東宮也國子博士河中張涉為侍讀

太宗時晉王府有侍

讀友為太子亦置焉

即位之夕召涉入禁中事無大小皆咨之明

日置於翰林為學士

翰林故事曰翰林院者在銀臺門內以藝能伎術召見者之所處也

玄宗初置翰林待詔掌四方表疏批答應和文章又以詔勅文誥悉由中書多壅滯始選朝官有才藝學識者入居翰林供奉別旨然亦未定名制詔書敕牘或分在集賢開元二十六年始以翰林供奉改稱學士別建學

士院於翰林院之南俾專內命其後又置東翰林院於  
金鑾殿之西隨上所在凡學士無定員下自校書郎上  
及諸曹尚書皆為之入院一歲則遣知制誥  
未知制誥者不作文書久次者一人為承旨  
為張涉以賊  
賄得罪張本  
乙未以涉為右散騎常侍仍為學士  
散  
翻  
寄騎奇  
翻

資治通鑑卷二百二十五



欽定四庫全書

總校官庶吉士臣侍朝

校對官檢討臣龔大萬

謄錄監生臣李士勲

欽定四庫全書薈要

史部

資治通鑑卷二百二十六

七

詳校官編修臣汪鏞



資治通鑑卷二百二十六 宋 司馬光 撰

胡三省 音註

唐紀四十二

起唐肅宗上元元年八月盡重光四年五月凡一年有奇

代宗睿文孝武皇帝下

大歷十四年八月甲辰以道州司馬楊炎為門下

侍郎

大歷十二年楊炎以黨元載貶

懷州刺史喬琳為御史大夫

並同平章事

考異曰崔祐甫與炎皆自門下遷中書是時中書在上也憲宗以後門

下在上中書在下  
不知何時遷改

上方勵精求治

治直吏翻

不次用人

卜相於崔祐甫

相息亮翻

祐甫薦炎器業上亦素聞其

名故自遷謫中用之琳太原人性粗率喜詆諧

粗讀

曰鹿喜許記翻

無它長與張涉善涉稱其才可大用上信

涉言而用之聞者無不駭愕

代宗之世吐蕃數

遣使求和

吐從瞰入聲數所角翻使疏吏翻下同

而寇盜不息代宗

悉留其使者前後八輩有至老死不得歸者俘獲

其人皆配江嶺

使疏吏翻俘方無翻江謂大江之南嶺謂五嶺之外

上欲以德

懷之乙巳以隨州司馬韋倫為太常少卿使于吐蕃悉

集其俘五百人各賜襲衣而遣之

少始照翻襲衣衣一襲也衣一稱為一襲

協律郎沈既濟上選舉議

唐志協律郎掌和律呂辨四時之氣八風五音之節

屬太常寺正八品上上時掌翻

以為選用之法三科而已曰德也才

也勞也今選曹皆不及焉

選須絹翻下同

考校之法皆在書判

簿歷言詞俯仰而已

唐擇人之法有四曰身言書判身取其體貌豐偉言取其言詞辨正

書取其楷法道美判取其文禮優長簿歷所以著其資考殿最俯仰則觀諸身言之間

夫安行徐

言非德也麗藻芳翰非才也累資積考非勞也執此以

求天下之士固未盡矣今人未土著

夫音扶著  
直畧翻

不可本

於鄉閭鑒不獨明不可專於吏部臣謹詳酌古今謂五

品以上及羣司長官宜令宰臣進叙吏部兵部得參議

焉

長知  
兩翻

其六品以下或僚佐之屬許州府辟用其牧守

將帥

守手又翻將即  
亮翻餽所類翻

或選用非公則吏部兵部得察而

舉之罪其私冒不慎舉者小加譴黜大正刑典責成授

任誰敢不勉夫如是則賢者不獎而自進不肖者不抑

而自退衆才並進而官無不治矣今選法皆擇才於吏

部試能於州郡若才職不稱

稱尺證翻

紊亂無任

紊文運翻任音壬

責於刺史則曰命官出於吏曹不敢廢也責於侍郎則

曰量書判資考而授之不保其往也

量音良

責於令使則

曰按由歷出入而行之不知其它也黎庶徒弊誰任其

咎若牧守自用則罪將焉逃必州郡之濫獨換一刺史

則革矣如吏部之濫雖更其侍郎無益也

焉於虔翻更工衡翻

蓋

人物浩浩不可得而知法使之然非主司之過今諸道

節度都團練觀察租庸等使自判官副將以下皆使自

擇縱其間或有情故大舉其例十猶七全則辟吏之法已試於今但未及於州縣耳利害之理較然可觀羣令諸使僚佐盡受於選曹則安能鎮方隅之重理財賦之

殷乎既濟吳人也

等使疏吏翻下諸使同將即亮翻令力丁翻選須絹翻

初衡

州刺史曹王阜有治行

治直吏翻行下孟翻衡州治衡陽縣屬湖南觀察

湖南

觀察使辛京果疾之

大歷五年辛京果為湖南觀察使

陷以法貶潮州

刺史

度嶺為貶

時楊炎在道州知其直及入相復擢為衡州

刺史

相息亮翻復扶又翻

始阜之遭誣在治

在治者謂獄吏治其事阜以囚服在列



念太妃老將驚而戚出則囚服就辯入則擁笏垂魚

唐高

宗給五品以上隨身銀魚袋以防召命之詐三品以上

金飾袋天授二年改佩魚為龜中宗罷龜復給以魚郾

王嗣王亦

即貶于潮

即就也

以遷入賀及是然後跪謝告

佩金魚袋

實臯明之玄孫也

曹王明太宗之子

朔方邠寧節度使李懷

光既代郭子儀邠府宿將史抗溫儒雅龐仙鶴張獻明

李光逸功名素出懷光右皆怏怏不服

邠早旻翻龐部江翻怏於兩翻

懷光發兵防秋屯長武城軍期進退不時應令監軍翟

文秀勸懷光奏令宿衛既離營

監工衙翻翟長伯翻奏令力丁翻離力智翻

使人追捕誣以它罪且曰黃贊之敗

黃贊敗事見二百二十四卷九年贊

音倍職爾之由盡殺之

九月甲戌改淮西曰淮寧西

川節度使同平章事崔寧在蜀十餘年

永泰元年崔時入成都至是十

四年

恃地險兵彊恣為淫侈朝廷患之而不能易至是

入朝加司空兼山陵使南詔王閣羅鳳卒子鳳迦異前

死孫異牟尋立

朝直遙翻使疎吏翻卒子恤翻迦音加

冬十月丁酉朔吐

蕃與南詔合兵十萬三道入寇一出茂州一出扶文

吐從

瞰入聲文州漢陰平之地隋為曲水縣義寧三年分武都之曲水正西長松置文州扶州古節至地後周天和

中置扶州舊本置龍洞防與陰平接

一出黎雅

黎州之地漢屬

界蓋吐蕃出扶文南詔出黎雅也

越舊郡界隋置漢源縣武后大足元年置黎州黎州漢

沉黎縣雅州漢嚴道縣境相接也

考異曰建中實錄

裴垕德宗實錄此月吐蕃三道入寇皆在梁益之境而

來年四月乃云去冬吐蕃三道來侵一自靈武一自山

南一自蜀又云贊普謂韋倫曰今靈武之師聞命輟矣

而山南已入扶文蜀師已趣灌口追且不及與此自相

達今不取

曰吾欲取蜀以為東府崔寧在京師所留諸將不

能禦

將即亮翽

虜連陷州縣刺史弃城走士民竄匿山谷上

憂之趣寧歸鎮

趣讀曰促

寧已辭楊炎言於上曰蜀地富饒

寧據有之朝廷失其外府十四年矣寧雖入朝全師尚

守其後貢賦不入與無蜀同且寧本與諸將等夷因亂  
得位威令不行今雖遣之必恐無功若其有功則義不  
可奪是蜀地敗固失之勝亦不得也願陛下熟察上曰  
然則柰何對曰請留寧發朱泚所領范陽兵數千人雜  
禁兵往擊之何憂不克

泚且禮翻  
又音此

因而得內親兵於其

腹中蜀將必不敢動然後更授他帥

將即亮翻更工  
衡翻帥所類翻

使

千里沃壤復為國有

復又翻又  
扶如字

是因小害而收大利也

上曰善遂留寧初馬璘忌涇原都知兵馬使李晟功名

遣入宿衛為右神策都將

韓離珍翻使疏吏翻

上發禁

兵四千人使晟將之發邠隴范陽兵五千

邠隴邠寧隴右二鎮之兵

也將即亮翻又

音如字下同

使金吾大將軍安邑曲環將之以救蜀

史炤曰曲姓也漢

有代郡太守曲謙

東川出兵自江油趨白頃

江油漢魏為無人之

地晉始置平武縣隋改為江油縣帶龍州利州管下景谷縣西北有白頃鎮城頃必駕翻蜀人謂平川為頃

與山南兵合擊吐蕃南詔破之范陽兵追及於七盤

吐從

嗽入聲七盤縣屬巴

州武后久視元年置

又破之遂克維茂二州李晟追擊

於大度河外

吐蕃界經雅州諸部落至黎州東界流入

通望界於黎州為  
南邊要害之地

又破之吐蕃南詔飢寒隕於崖谷死

者八九萬人吐蕃悔怒殺誘導使之來者異牟尋懼築

苴咩城

自瀘州南渡瀘水六百五十里至羊苴咩城舊史陽苴咩城南去大和城十餘里東北至成都

二千四百里去雲南城三百里誘羊久翻咩莫者翻又徐婢翻史炤曰苴音酢又徐嗟切咩音養又彌嗟切薛能聞官軍破吉浪詩越嵩通遊客苴咩開聚蚊又西縣塗中野色生肥羊鄉儀撫散茶梯航經杜宇烽火徹苴

咩

延袤十五里徙居之吐蕃封之為日東王 上用法

嚴百官震悚以山陵近禁人屠宰郭子儀之隸人潛殺

羊載以入城

隸人僕隸之屬

右金吾將軍裴諝奏之或謂諝曰

郭公有社稷大功君獨不為之地乎諫曰此乃吾所以

為之地也郭公勲高望重上新即位以為羣臣附之者

衆德宗之猜忌裴諤于其初政已窺見之將私呂翻吾故發其小過以明郭公

威權不足畏也如此上尊天子下安大臣不亦可乎

已酉葬睿文孝武皇帝于元陵

元陵在京兆富平縣西北二十五里檀山

廟

號代宗將發引上送之見輶輶車不當馳道稍指丁未

之間

引罕晉輶輶音溫輶音涼之間則行出道外矣蓋出門欲斜就道西不當道

考異曰按車指丁未

之中間問其故有司對曰陛下本命在午不敢衝也上行耳

哭曰安有枉靈駕而謀身利乎命改轅直午而行肅宗

代宗皆喜陰陽鬼神

喜許記切

事無大小必謀之卜祝故王

與黎幹皆以左道得進上雅不之信

璵音余雅素也

山陵但取

七月之期

禮天子七月而葬

事集而發不復擇日

復扶又翻下謀復同

十一月丁丑以晉州刺史韓滉為蘇州刺史浙江東西

觀察使

滉呼廣翻使疏吏翻

喬琳衰老耳聵

聵五怪翻

上或時訪問

應對失次所謀議復踈闊壬午以琳為工部尚書罷政

事上由是踈張涉

喬琳涉所薦也尚辰羊翻

楊炎既留崔寧二人



由是交惡炎託以北邊須大臣鎮撫癸巳以京畿觀察

使崔寧為單于鎮北大都護朔方節度使鎮坊州

單音蟬

以荆南節度使張延賞為西川節度使又以靈鹽節度

都虞候醴泉杜希全知靈鹽州留後代州刺史張光晟

知單于振武等城綏銀麟勝州留後

考異曰舊傳云王雄為振武今從

實錄延州刺史李建徽知鄜坊丹州留後時寧既出鎮不

當更置留後炎欲奪寧權且窺其所為令三人皆得自

奏事仍諷之使伺寧過失

今力丁翻伺相吏翻考異曰舊傳初寧代喬琳為御史

大夫平章事寧以為選擇御史當出大夫不謀及宰相乃奏請以李衡于結等數人為御史楊炎大怒其狀遂寢炎又數譏毀劉晏寧又赦解之因此大怒其年十月南蠻大至上遣寧運鎮炎懼怨已入蜀難制奏止之按寧為御史大夫在吐蕃南蠻寇蜀後舊傳恐誤

十二月乙卯立宣王誦為皇

太子舊制天下金帛皆貯於左藏太府四時上其數

比部覆其出入

唐制太府掌庫藏財貨出納比部掌會計蜀注曰唐制天下財賦皆納於左藏

太府四時以數聞尚書比部覆校其出入貯丁呂翻藏徂浪翻上時掌翻比音毘

及第五琦為

度支鹽鐵使

琦音奇度徒洛翻使疎吏翻

時京師多豪將求取無節

琦不能制

將即亮翻

乃奏盡貯於大盈內庫

百寶大盈庫始於玄宗朝詳見

二百二十八卷德宗  
建中四年十月注

使宦官掌之天子亦以取給為便

故久不出由是以天下公賦為人君私藏有司不復得

窺其多少校其贏縮

藏徂浪翻復扶又翻  
贏有餘也縮不足也

始二十年宦

官領其事者三百餘員皆蠶食其中蟠結根據牢不可

動楊炎頓首於上前曰財賦者國之大本生民之命重

輕安危靡不由之是以前世皆使重臣掌其事猶或耗

亂不集

耗當讀曰耗  
或靖如字

今獨使中人出入盈虛大臣皆不

得知政之蠹敝莫甚於此請出之以歸有司度宮中歲

用幾何

度徒洛翻

量數奉入

量音良

不敢有乏如此然後可以

為政上即日下詔凡財賦皆歸左藏一用舊式歲於數

中擇精好者三千匹進入大盈

下邈稼翻德宗實錄作三五十

考異曰

萬匹今從建中實錄

災以片言移人主意議者稱之

丙寅晦日

有食之湖南賊帥王國良阻山為盜

帥所類翻

上遣都官

負外郎闕播招撫之

唐都官郎掌俘隸簿錄給衣糧醫藥而理其訴寃

辭行上

問以為政之要對曰為政之本必求有道賢人與之為

理上曰朕比以下詔求賢

比昆至翻近以當作已

又遣使臣廣加

搜訪庶幾可以為理乎

使疎吏翻典居希翻

對曰下詔所求及使

者所薦惟得文詞干進之士耳安有有道賢人肯隨牒

舉選乎上悅崔祐甫有疾上令肩輿入中書或休假

在第

令力丁翻假古訝翻

大事令中使咨決

德宗神武孝文皇帝一

諱适代宗長子也謚法諫爭不威曰德言不以威拒

諫也執義揚善曰德言稱人之善也

建中元年春正月丁卯朔改元羣臣上尊號曰聖神文

武皇帝

上時掌翻

赦天下始用楊炎議命黜陟使與觀察刺

史約百姓丁產定等級改作兩税法

楊炎作兩税法夏輸無過六月秋輸

無過十一月視大歷十四年墾田數為定

比來新舊徵科色目一切罷之

比

至翻比來猶

二稅外輒率一錢者以枉法論唐初賦斂

云近來也

之法曰租庸調有田則有租有身則有庸有戶則有調

玄宗之末版籍浸壞多非其實及至德兵起所在賦斂

迫趣取辦

斂力贍翻調徒弔翻趣讀曰促

無復常準

復扶又翻又音如字

賦斂之

司增數而莫相統攝

統他綜翻俗從上聲

各隨意增科自立色目

新故相仍不知紀極民富者丁多率為官為僧以免課

役而貧者丁多無所伏匿故上戶優而下戶勞吏因緣

蠶食旬輸月送不勝困弊

勝音升

率皆逃徙為浮戶其土

著百無四五

著直畧翻

至是炎建議作兩稅法先計州縣每

歲所應費用及上供之數而賦於人量出以制入戶無

主客以見居為簿人無丁中以貧富為差

州縣有主戶客戶天寶三

載令民十八以上為中男二十三以上成丁量音良見賢通翻

為行商者在所州縣稅

三十之一使與居者均無僥利

言居行皆無僥幸之利也僥堅亮翻

居人

之稅秋夏兩徵之其租庸調雜徭悉省皆總統於度支

上用其言因赦令行之

初左僕射劉晏為吏部尚書

楊炎為侍郎不相悅

射寅謝翻尚辰羊翻

元載之死晏有力焉

見事

上卷代宗大歷十三年載祖亥翻又如字

及上即位晏久典利權衆頗疾之

多上言轉運使可罷

多上時掌翻使疏吏翻

又有風言晏嘗密表

勸代宗立獨孤妃為皇后者

風言謂得於風聞而言之者也

楊炎為宰

相欲為元載報仇因為上流涕言晏與黎幹劉忠翼同

謀

幹忠翼死於大歷十四年事見上卷為于偽翻相息亮翻

臣為宰相不能討罪當

萬死崔祐甫言茲事曖昧陛下已曠然大赦不當復究



尋虛語

暖音愛復扶又翻

炎乃建言尚書省國政之本比置諸

使分奪其權

尚辰羊翻比毘至翻

今宜復舊上從之甲子

按是月無甲子

恐是丙子

詔天下錢穀皆歸金部倉部

唐志金部掌天下庫藏出納之

否則戊子

數京市互市和市宮市交易之事倉部掌天下軍儲出納租稅祿糧倉庫之事

罷晏轉運租庸

青苗鹽鐵等使

考異曰建中寶錄曰初大歷中上居東宮貞懿皇后方為妃有寵生韓王回

帝又鍾愛故閹官劉清潭京兆尹黎幹與左右嬖倖欲立貞懿為皇后且言韓王所居獲黃蛇以為符動搖儲宮而晏附其謀冀立殊効圖為宰相時宰相元載獨保護上以為最長而賢且嘗有功義不當移王綰亦謂人曰晏黠者也今所圖無乃過黠乎後其議漸定貞懿卒不立上憾之至是以晏大臣而附邪為姦不去將為亂

託陳泰不實滿為忠州刺史沈既濟楊炎所薦益附炎為說今從舊傳

二月丙申朔命

黜陟使十一人分巡天下

黜陟使始置於太宗貞觀八年

先是魏博節

度使田悅事朝廷猶恭順

先悉薦翻使疏吏翻朝直遣翻

河北黜陟使

洪經綸

考異曰建中實錄黜陟使十一人而無名德宗實錄有十人名而無河北道及經綸名蓋脫

誤也不曉時務聞悅軍七萬人符下罷其四萬令還農

下

稼翻令力丁翻

悅陽順命如符罷之既而集應罷者激怒之曰

汝曹久在軍中有父母妻子今一旦為黜陟使所罷將

何資以自衣食乎衆大哭悅乃出家財以賜之使各還

部伍於是軍士皆德悅而怨朝廷

為田悅連諸鎮之兵以拒命張本

崔祐甫以疾多不視事楊炎獨任大政專以復恩讐為

事奏用元載遺策城原州

任音壬載祖亥翻又音如字元載策見二百二十四卷代

宗大歷八年

又欲發兩京關內丁夫浚豐州陵陽渠以興屯

田

陵陽渠在豐州九原縣

上遣中使詣涇原節度使段秀實訪以

利害秀實以為今邊備尚虛未宜興事以召寇炎怒以

為沮已徵秀實為司農卿

使疏吏翻沮在呂翻

丁未邠寧節度使

李懷光兼四鎮北庭行營涇原節度使使移軍原州以

四鎮北庭留後劉文喜為別駕

為劉文喜以涇州拒命張本

京兆尹

嚴郢奏按朔方五城舊屯沃饒之地自喪亂以來

郢以井翻

長息浪翻

人功不及因致荒廢十不耕一若力可墾闢不俟

浚渠今發兩京關輔人於豐州浚渠營田計所得不補

所費而關輔之人不免流散是虛費畝而無益軍儲也

疏奏不報

疏所據翻

既而陵陽渠竟不成弃之

上用楊炎

之言託以奏事不實已酉貶劉晏為忠州刺史

舊志忠州京師

南二千一百

二十二里

癸丑以澤潞留後李抱真為節度使

為李

抱真以澤潞為國藩翰張本

楊炎欲城原州以復秦原

秦原謂秦州原州

命李懷光居前督作朱泚崔寧各將萬人翼其後

泚且禮翻

又音此將即亮翻又音如字

詔下涇州為城具

下邈稼翻為築城之具也

涇之將

士怒曰吾屬為國家西門之屏十餘年矣

將即亮翻屏必耶翻蔽也

始居邠州南營耕桑有地著之安徙屯涇州

邠卑是翻著直畧翻

徙涇州見二百二十四卷大歷三年

披荆榛立軍府坐席未暖又投之塞

外先奔原州不守故云投之塞外

吾屬何罪而至此乎李懷光始為邠

寧帥即誅溫儒雅等

事見上大歷十四年帥所類翻下同

軍令嚴峻及蕪

涇原諸將皆懼曰彼五將何罪而為戮

五將即史抗溫儒雅龐仙鶴張

獻明李光逸將即亮翻

今又來此吾屬能無憂乎劉文喜因衆心

不安據涇州不受詔上疏復求段秀實為帥不則朱泚

上時掌翻疏所據翻復扶又翻或如字不讀曰否又讀如字此且禮翻又音此

癸亥以朱泚兼

四鎮北庭行營涇原節度使代懷光

使疎吏翻

三月翰林

學士左散騎常侍張涉受前湖南觀察使辛京果金事

覺上怒欲寘于法李忠臣以檢校司空同平章事奉朝

請

散悉重翻騎奇寄翻校古致翻朝直進翻

言於上曰陛下貴為天子而先

生以乏財犯法以臣愚觀之非先生之過也

張涉先侍讀東宮故

李忠臣言以爲先生

上意解辛未放涉歸田里辛京杲以私忿杖

殺部曲有司奏京杲罪當死上將從之李忠臣曰京杲當死久矣上問其故忠臣曰京杲諸父兄弟皆戰死獨京杲至今尚存臣故以爲當死久矣上憫然左遷京杲諸王傳忠臣乘機救人多此類楊炎罷度支轉運使

度徒洛翻

命金部倉部代之既而省職久廢

謂尚書省諸司失其職已久

耳目不相接莫能振舉天下錢穀無所總領癸巳復以

諫議大夫韓洄為戶部侍郎判度支以金部郎中萬年

杜佑權江淮水陸轉運使皆如舊制

復扶又翻或如字  
諸杜居城南時號

城南韋杜去天尺

五戶貫則萬年

劉文喜又不受詔欲自邀旌節夏

四月乙未朔據涇州叛遣其子質于吐蕃以求援

質音致

上命朱泚李懷光討之

泚且禮翻  
又音此

又命神策軍使張巨

濟將禁兵二千助之

使疏吏翻將即  
亮翻又音如字

吐蕃始聞韋倫

歸其俘

吐從瞰入聲帝初即位欲以德懷  
吐蕃遣倫歸代宗朝所獲之俘

不之信及俘

入境各還部落稱新天子出宮人放禽獸英威聖德洽



於中國吐蕃大悅除道迎倫贊普即發使隨倫入貢且

致賻贈

至代宗之賻贈也賻音附

癸卯至京師上禮接之既而蜀將

上言吐蕃豺狼所獲俘不可歸

將上上即亮翻下時掌翻

上曰戎狄

犯塞則擊之服則歸之擊以示威歸以示信威信不立

何以懷遠悉命歸之

又悉歸釁南所獲之俘也日建中實錄曰及境境上守陴者

考異

焚樓櫓奔城壁而去初吐蕃既得河湟之地土宇日廣守兵勞弊以國家始因用胡為邊將而致禍故得河隴之士約五十萬人以為非族類也無賢愚莫敢任者悉以為奴僕故其人苦之及見倫歸國皆毛裘蓬首窺覷牆隙或挺心墮泣或東向拜舞及密通章疏言蕃之虛實望王師之至若歲焉君子曰惜乎人心之可乘也若

逾代之後斯人既沒後生安於所習難乎哉此恐沈既濟之溢美且欲附楊炎復河隴之說耳今不取

代宗之世每元日冬至端午生日州府於常賦之外競

為貢獻貢獻多者則悅之武將姦吏緣此侵漁下民

代自

宗迄于五代正至端午降誕州府皆

有貢獻謂之四節進奉將即亮翻

癸丑上生日

上生於天

寶元年四月十

九日不置節名

四方貢獻皆不受李正己田悅各獻縑

三萬匹

縑并縑也

上悉歸之度支以代租賦

度徒洛翻

五月

戊辰以韋倫為太常卿乙酉復遣倫使吐蕃

復扶又翻

倫請

上自為載書

載書盟誓之書

與吐蕃盟楊炎以為非敵請與郭

子儀輩為載書以聞令上畫可而已從之

今力丁翻

朱泚

等圍劉文喜於涇州

泚且禮翻又音此

杜其出入而閉壁不與

戰久之不拔天方旱微發餽運內外騷然朝臣上書請

赦文喜以蘇疲人者不可勝紀

朝直進翻上時掌翻勝音升

上皆不

聽曰微孽不除何以令天下文喜使其將劉海賓入奏

孽魚列翻將即亮翻

海賓言於上曰臣乃陛下藩邸部曲

帝初以雍王為

天下兵馬元帥討史朝義凡在行營皆部曲也

豈肯附叛臣必為陛下梟其首

以獻

為于偽翻梟堅亮翻

但文喜今所求者節而已願陛下姑與

之文喜必怠則臣計得施矣上曰名器不可假人

孔子之言

爾能立效固善我節不可得也使海賓歸以告文喜而

攻之如初減御膳以給軍士城中將士當受春服者賜

予如故

予讀日與

於是衆知上意不可移時吐蕃方睦於唐

不為發兵

為于偽翻

城中勢窮庚寅海賓與諸將共殺文喜

傳首

考異曰邠志曰詔李懷光未此并軍誅之師圍涇城數月不拔文喜使其子求救于吐蕃蕃衆將至

二將議退軍以避之都遊奕使韓遊瓌爭之曰西戎若來涇衆必變義不為文喜沒身於戎虜秋七月西蕃遊騎登高麾涇人涇人果曰始吾為文喜求節度耳王師致討困則歸之安能赤土塗面為異方之人乎劉海賓

因之殺文喜以衆降泚泚無所戮涇人德之萌泚之亂亦自此始按是時吐蕃通好無入援文喜事又此月涇州平而邠志云七月西蕃至皆相連今從建中實錄

而原州竟不果城自上即位

李正己內不自安遣參佐入奏事會涇州提奏至上使觀文喜之首而歸正己益懼六月甲午朔門下侍郎

同平章事崔祐甫薨

亮呼肱翻

術士桑道茂上言陛下不

出數年暫有離宮之厄

上時掌翻離力智翻

臣望奉天有天子氣

宜高大其城以備非常辛丑命京兆發丁夫數千雜六

軍之士築奉天城

考異曰舊傳云道茂待詔翰林建中初神策修奉天城道茂請高其垣

牆大為制度德宗不之省及朱泚之亂帝倉猝出幸至奉天方思道茂之言時道茂已卒命祭之今從實錄又及表光庭

初回紇風俗朴厚君臣之等不甚異故衆

幸奉天傳

志專一勁健無敵

紇下沒翻

及有功於唐

謂平安史也

唐賜遺甚

厚

遺于季翻

登里可汗始自尊大築宮殿以居婦人有粉黛

文繡之飾中國為之虛耗

可從列入聲汗音寒為于偽翻

而虜俗亦壞

及代宗崩上遣中使梁文秀往告哀登里驕不為禮九

姓胡附回紇者說登里以中國富饒今乘喪伐之可有

大利

使疏吏翻說式尚翻考異曰既云乘喪入寇當在去年今因源休冊命追叙之耳

登里從

之欲舉國入寇其相頓莫賀達干登里之從父兄也

相息

亮翻從才用翻

諫曰唐大國也無負於我吾前年侵太原獲羊

馬數萬可謂大捷

事見上卷代宗大歷十三年

而道遠糧乏比歸士

卒多徒行者

比必利翻及也道遠糧乏士卒殺馬食之故多徒行

今舉國深入萬

一不捷將安歸乎登里不聽頓莫賀乘人心之不欲南

寇也舉兵擊殺之并九姓胡二千人自立為合骨咄祿

毗伽可汗遣其臣聿達干與梁文秀俱入見

咄當沒翻伽求迦翻

可從刊入聲汗音寒見賢遍翻

願為藩臣垂髮不翦以待詔命乙卯命

京兆少尹臨漳源休冊頓莫賀為武義成功可汗

少始  
沼翻

臨漳縣屬相州本鄴縣地東魏孝靜帝分鄴縣于鄴城

中置臨漳縣考異曰舊傳曰休妻即吏部侍郎王翊

女也因小忿而離妻族上訴下御史臺驗理休遲留不

答欵狀除名配流溱州久之移岳州建中初楊炎執政

以京兆尹嚴郢威名稍著心欲傾之郢即王翊甥婿也

休與王氏離絕之時炎風聞休郢有隙遂擢休自流人

為京兆少尹俾令伺郢過失休既在職久與郢親善炎

怒之奏令以本官兼御史中丞奉使回紇按休奉使時

回紇方恭順張先晟未殺董突突

安知回紇欲殺休而遣之今不取

秋七月丙寅邵州

賊帥王國良降

帥所類翻  
降戶江翻

國良本湖南牙將觀察使辛

京果使戍武岡

將即亮翻使疎吏翻武岡縣漢零陵郡  
都梁縣之地晉分都梁置武岡縣今岡



東五十里有漢都梁故城是也後漢武陵蠻為漢所伐  
來保此岡故謂之武岡郡國志云武岡接武陵因以得  
名隋廢武德四年分邵陽復置武岡縣屬邵州新志  
曰本武攸縣武德四年更名梁夫夷縣在今武岡界以

扞西原蠻京果貪暴國良家富京果以死罪加之國良  
懼據縣叛與西原蠻合聚衆千人侵掠州縣瀕湖千里

咸被其害

被皮義翻

詔荊黔洪桂諸道合兵討之

荊南節度使治荊州

黔中觀察使治黔州江南西道觀察使治洪州桂管經畧觀察使治桂州黔音禽

連年不能克

及曹王臯為湖南觀察使曰驅疲甿誅反仄非策之得  
者也乃遺國良書

遺于季翻

言將軍非敢為逆欲救死耳我

與將軍俱為辛京杲所構

曹王臯事見上大歷十四年

我已蒙聖朝

湔洗何心復加兵於將軍乎

朝直達翻復扶又翻又音如字

將軍遇

我不速降後悔無及國良且喜且懼遣使乞降猶疑未

決臯乃假為使者從一騎越五百里抵國良臂鞭其門

大呼曰我曹王也

使疏吏翻騎奇寄翻呼火故翻

來受降舉軍大驚國

良趨出迎拜請罪臯執其手約為兄弟盡焚攻守之具

散其衆使還農詔赦國良罪賜名惟新

按新書南蠻傳西原蠻居廣容

之南邕桂之西地數千里種落甚衆乾元以來累為叛亂與夷獠梁崇牽單問西原酋長吳功曹合兵內寇陷

道州進攻永州陷邵州辛京果遣王國良戍武岡國良亦叛建中初城淑州以斷西原國良乃降降戶江翻

辛巳進尊上母沈氏為皇太后

沈氏以開元末選入代宗宮安祿山之亂

玄宗避賊諸王妃妾不及從者皆為賊所得拘之東都之掖庭代宗克東都入宮得沈氏留之東都宮中史思明再陷東都遂失所在

荆南節度使庾準希楊炎指奏忠州刺

史劉晏與朱泚書求營救辭多怨望又奏召補州兵欲

拒朝命

忠州荆南巡屬也故庾準得以誣奏劉晏使疏吏翻此且禮翻又音此朝直遙翻

炎證

成之上密遣中使就忠州縊殺之

縊于賜翻又于計翻

已丑乃下

詔賜死天下冤之初安史之亂數年間天下戶口什亡

八九州縣多為藩鎮所據貢賦不入朝廷府庫耗竭中

國多故戎狄每歲犯邊所在宿重兵仰給縣官

朝直進翻仰牛

向所費不貲皆倚辦于晏晏初為轉運使獨領陝東諸

道

寶應元年劉晏充度支轉運等使代宗廣德二年始以晏為河南江淮以來轉運使乃疏浚汴水以開漕

運之利陝失冉翻

陝西皆度支領之末年兼領未幾而罷

度徒洛翻

大歷十四年晏兼判度支建中元年罷幾居豈翻

晏有精力多機智變通有無

曲盡其妙常以厚直募善走者置遞相望覘報四方物

價

覘丑煎翻

雖遠方不數日皆達使司

使司謂轉運使司

食貨輕重

之權悉制在掌握國家獲利而天下無甚貴甚賤之憂  
常以為辦集衆務在於得人故必擇通敏精悍廉勤之  
士而用之至於句檢簿書

悍候肝翻又下  
罕翻句古侯翻

出納錢穀必

委之士類吏惟書符牒不得輕出一言常言士陷賄賂

則淪棄於時名重於利故士多清修吏雖潔廉終無顯

榮利重于名故吏多貪污然惟晏能行之他人效者終

莫能逮其屬官雖居數千里外奉教令如在目前起居

語言無敢欺紿

紿待  
亥翻

當時權貴或以親故屬之者

屬之  
欲翻

晏亦應之使俸給多少遷次緩速皆如其志然無得親

職事其場院要劇之官

俸扶用翻少始紹翻場謂交場船場院謂巡院

必盡一

時之選故晏沒之後掌財賦有聲者多晏之故吏也晏

又以為戶口滋多則賦稅自廣故其理財以愛民為先

諸道各置知院官

知院官掌諸道巡院者也

每旬月具州縣雨雪豐

歉之狀白使司豐則貴糴歉則賤糶或以穀易雜貨供

官用及於豐處賣之知院官始見不稔之端先申至某

月須如干蠲免某月須如干救助

使疏吏翻如干猶言若干也程大昌曰若

干者幾數之言也干猶箇也若箇猶言幾何枚也又設干者十干自甲至癸也亦以數言也

及期晏

不俟州縣申請即奏行之應民之急未嘗失時不待其困弊流亡餓殍然後賑之也由是民得安其居業戶口

蕃息

殍居表翻賑津  
悉翻蕃音煩

晏始為轉運使時天下見戶不過

二百萬

見聞  
通翻

其季年乃三百餘萬在晏所統則增非晏

所統則不增也其初財賦歲入不過四百萬緡季年乃

千餘萬緡晏專用榷鹽法充軍國之用時自許汝鄭鄧

之西皆食河東池鹽度支主之汴滑唐蔡之東

統他綜  
翻俗音

如字絳眉中翻權古岳翻代宗實  
應元年更豫州為蔡州避上名也

皆食海鹽晏主之晏

以為官多則民擾故但于出鹽之鄉置鹽官收鹽戶所

煮之鹽轉鬻於商人任其所之自餘州縣不復置官

復扶

又翻下  
價復同

其江嶺間去鹽鄉遠者轉官鹽於彼貯之或商

絕鹽貴則減價鬻之謂之常平鹽

後又權茶遂置常平  
茶鹽官貯丁呂翻

官獲其利而民不乏鹽其始江淮鹽利不過四十萬緡  
季年乃六百餘萬緡由是國用充足而民不困弊其河  
東鹽利不過八十萬緡而價復貴於海鹽先是運關東



穀入長安者

先悉薦翻

以河流湍悍率一斛得八斗至者則

為成勞受優賞晏以為江汴河渭水力不同各隨便宜

造運船教漕卒江船達揚州汴船達河陰

悍下罕翻又候肝翻汴皮

變翻江船達揚州入淮汴船自清口達河陰開元二十二年分汜水武涉滎澤置河陰縣屬河南府有河陰倉

河船達渭口渭口達太倉

渭口謂渭水入河之口

其閒緣水置倉

轉相受給自是每歲運穀或至百餘萬斛無斗升沈覆

者

沈持林翻

船十艘為一綱使軍將領之

艘蘇遭翻將即亮翻

十運無

失授優勞官其人數運之後無不斑白者晏於楊子置

十場造船每艘給錢千緡

艘蘇遺翻  
緡眉巾翻

或言所用實不及

半虛費太多晏曰不然論大計者固不可惜小費凡事

必為永久之慮今始置船易執事者至多當先使之私

用無窘則官物堅牢矣若遽與之屑屑校計錙銖

銖巨  
頂翻

八銖為錙  
十銖為銖

安能久行乎異日必有患吾所給多而減之

者減半以下猶可也過此則不能運矣其後五十年有

司果減其半及咸通中有司計費以給之無復羨餘

復扶

又翻又音如字羨  
于線翻羨贏也

船益脆薄易壞

易以  
政翻

漕運遂廢矣

宋白

曰武德永徽之後姜行本薛大鼎褚朗皆言漕運未能  
通濟後監察御史王師順請運晉絳之粟于河渭之間  
始置渭橋倉開元初李傑為水運使始大興漕事十八  
年裴耀卿以言漕運拜江淮轉運使以崔希逸蕭昊為  
副轉運鹽鐵有副使自此始肅宗初第五琦以錢穀見  
始置江淮租庸使乾元初加鹽鐵使始大鹽鐵法就山  
海井竈收榷其鹽立監院官

晏為人勤力事無閑劇必

于一日中決之不使留宿後來言財利者皆莫能及之

八月甲午振武留後張光晟殺回紇使者董突等九

百餘人董突者武義可汗之叔父也

晟成正翻紇下沒  
翻使疏吏翻可從

刊入聲  
汗音寒

代宗之世九姓胡常冒回紇之名雜居京師殖

貨縱暴與回紇共為公私之患上即位命董突盡帥其

徒歸國輜重甚盛

帥讀曰率輜莊持翻重直用翻

至振武留數月厚求

資給日食肉千斤它物稱是

稱尺證翻

縱樵牧者暴踐果稼

振武人苦之光晟欲殺回紇取其輜重而畏其衆彊未

敢發九姓胡聞其種族為新可汗所誅多道亡

踐息淺翻種章

勇翻董突防之甚急九姓胡不得亡又不敢歸乃密獻策

於光晟請殺回紇光晟喜其黨自離許之上以陝州之

辱

事見二百二十二卷寶應元年陝失冉翻

心恨回紇光晟知上旨乃奏稱

回紇本種非多

紇下沒翻晟成  
正翻種章勇翻

所輔以彊者羣胡耳今

聞其自相魚肉頓莫賀新立移地健有孽子

登里可汗  
名移地健

及國相梅錄各擁兵數千人相攻

國相息亮翻宋白曰  
梅錄回鶻將軍號柳

公緯帥河東時有梅  
錄將軍李暢入貢

國未定彼無財則不能使其衆陞

下不乘此際除之乃歸其人與之財正所謂借寇兵齎

盜糧者也

引李斯諫秦  
王逐客之言

請殺之三奏上不許光晟乃使

副將過其館問故不為禮董突怒執而鞭之數十光晟

勒兵掩擊并羣胡盡殺之聚為京觀獨留一胡使歸國

為證曰回紇鞭辱大將且謀襲據振武故先事誅之

將即

亮翻觀古玩  
翻先悉薦翻

上徵光晟為右金吾將軍遣中使王嘉祥

往致信幣回紇請得專殺者以復讐上為之貶光晟為

睦王傅以慰其意

睦王述上弟也為子偽翻

加盧龍隴右涇原節

度使朱泚兼中書令盧龍隴右節度如故

使疏吏翻

以舒王

謨為四鎮北庭行軍涇原節度大使

行軍當作行營

以涇州牙

前兵馬使河中姚令言為留後

為後姚令言以涇原兵作亂張本考異曰舊

傳孟暉尋歸朝遂拜令言為四鎮北庭行營涇原節度使按實錄建中三年八月以涇原節度留後姚令言為

節度使此年必始為留後也

按姚令言傳建中元年

孟暉為涇原節度留後自以文吏進身不樂軍旅頻表

薦令言謹肅堪任

謨邈之子也

邈代宗子大歷八年薨

早孤上子

將帥暉尋歸朝

之癸丑詔贈太后父祖兄弟官及自餘宗族男女拜

官封邑者告第告身

第恐當作策

凡百二十有七通中使以

馬負而賜之九月壬午將作奏宣政殿廊壞十月魁岡

未可修

陰陽家拘忌有天岡河魁凡魁岡之月及所繫之地忌修造史炤曰魁岡者北斗魁星之氣十

月在戌為魁岡宋白曰陰陽氏書謂是歲孟冬為魁岡不利修作

上曰但不妨公害人

則吉矣安問時日即命修之大歷以前賦斂出納俸

給皆無法長吏得專之重以元王秉政貨賂公行

欽力  
磨翻

長知兩翻俸扶用翻  
元王謂元戴王緡也

天下不按賊吏者殆二十年

異日考

建中實錄云三十年  
蓋字之誤也

惟江西觀察使路嗣恭按虔州刺史

源敷翰流之上以宣歙觀察使薛邕文雅舊臣徵為左

丞邕去宣州盜隱官物以巨萬計殿中侍御史員寓發

之時以宣歙二州依山而扼江湖之要分置觀察

冬十

使使誅吏翻嗣祥吏翻歙音攝員音運姓也

月己亥貶連山尉

連山縣屬連州晉武帝分桂陽立廣  
惠縣隋改為廣澤仁壽元年改為連

山縣避太  
子廣諱也

於是州縣始畏朝典不敢放縱上初即位疎



斥宦官親任朝士而張涉以儒學入侍薛邕以文雅登

朝

朝直  
進翻

繼以賊敗宦官武將得以藉口曰南牙文臣賊

動至巨萬而謂我曹濁亂天下豈非欺罔邪

將即亮翻  
邪音耶

於是上心始疑不知所倚伏矣 中書舍人高參請分

遣諸沈訪求太后庚寅以睦王述為奉迎使工部尚書

喬琳副之又命諸沈四人為判官與中使分行諸道求

之

尚辰羊翻行下  
孟翻又音如字

十一月初令待制官外更引朝集

使二人訪以時政得失遠人疾苦

令力丁翻朝直  
進翻使疏吏翻

先

是公主下嫁者舅姑拜之婦不荅

先悉薦翻

上命禮官定公

主拜見舅姑及壻之諸父兄姊之儀舅姑坐受於中堂

兄姊立受于東序如家人禮有縣主將嫁擇用丁丑是

日上之從父妹卒

姊將兄翻從才用翻

命罷之有司奏供張已備

供居用翻

且殤服不足廢事

殤音傷說文未成人而死者為殤禮十九至十六死

張知亮翻

者為長殤十五至十二死者為中殤十一至八歲死者為下殤

上曰爾愛其費我愛其

禮卒罷之

卒子恤翻

至德以來國家多事公主郡縣主多不

以時嫁有華髮者雖居禁中或十年不見天子上始引

見諸宗女

髮中白者曰華見賢通翻

尊者致敬卑者存慰悉命嫁之

所齋小大之物必經心目己卯庚辰二日嫁岳陽等凡

十一縣主

齋則今翻

吐蕃見韋倫再至益喜

是年五月韋倫再使吐蕃

吐從敵入聲

十二月辛卯朔倫還吐蕃遣其相論欽明思等

入貢

還從宣翻又音如字相息亮翻

是歲冊太子母王氏為淑妃

天下稅戶三百八萬五千七十六籍兵七十六萬八千

餘人

籍兵兵之著籍者也

稅錢一千八十九萬八千餘緡穀二百

一十五萬七千餘斛

絡眉中翻

二年春正月戊辰成德節度使李寶臣薨

恒冀成德軍  
考異曰建

中寶錄云二月丁巳寶臣卒疑奏到之日也今從德宗  
實錄谷況燕南記曰忠志末年惟納妖妄之人兼陰陽  
術數詔媚苟且之輩爭獻圖識稱有尊位詐作朱草靈  
芝鑿石上作名字又于後堂院結壇場清齋菜食置金  
杯玉竿銀盤云甘靈神酒自至其內又言天符下降忠  
志自謂命符上天將吏罔有諫者使行文牒布告州縣  
云靈芝朱草王者之瑞輒生壇上香滿院中靈石呈祥  
天符飛應甘露如蜜神酒盈杯匪我所求不期自至各  
牒管內郡縣宜令知委同為喜慶也既而日為妖妄者  
更相矯云不日當有天神下降持金箱玉印而至然後  
即大位為天所授也四方皆自歸伏不待征討海內生  
而定矣忠志大悅多以金銀羅錦異物賞之陰陽妖妄  
者自知虛偽恐事泄見誅共言相公宜服甘露靈芝草  
湯即天神降速忠志一任妖者遂於湯中密著毒藥既

飲畢便失音三日而卒舊傳亦以為然按方士妖妄必為一府所疾所惡恃者寶臣一人耳若醜殺寶臣身在府中逃無所之安能免死乎計方士雖愚必不為此蓋時人見寶臣曾飲其湯遇疾而死以為方士所醜谷况承而書之耳 寶臣欲以軍府傳其子行軍司馬惟岳以其年

少闇弱

少詩  
照翻

豫誅諸將之難制者

將即  
亮翻

深州刺史張獻

誠等至有十餘人同日死者寶臣召易州刺史張孝忠

孝忠不往使其弟孝節召之孝忠使孝節謂寶臣曰諸

將何罪連頸受戮孝忠懼死不敢往亦不敢叛正如公

不入朝之意耳

朝直  
達翻

孝節泣曰如此孝節必死孝忠曰

往則併命我在此必不敢殺汝遂歸寶臣亦不之罪也

兵馬使王武俊位卑而有勇故寶臣特親愛之以女妻

其子士真

使疏吏翻妻七細翻

士真復厚結其左右故孝忠武俊

獨全

史言人不可妄殺且為孝忠武俊歸國張本復扶又翻

及薨孔目官胡震家

僮王它奴勸惟岳匿喪二十餘日詐為寶臣表求令惟

岳繼襲上不許

令力丁翻

遣給事中汲人班宏往問寶臣疾

且諭之惟岳厚賂宏宏不受還報惟岳乃發喪自為留

後使將佐共奏求旌節上又不許

汲縣屬衛州還從宣翻又音如字將即亮

初寶臣與李正己田承嗣梁崇義相結

事見上卷代宗大歷十二

年嗣祥

期以土地傳之子孫故承嗣之死

見上卷大歷十四年

寶

臣力為之請于朝

為于偽翻下屢為同朝直遙翻

使以節授田悅代宗

從之悅初襲位事朝廷禮甚恭河東節度使馬燧表其

必反請先為備至是悅屢為惟岳請繼襲上欲革前弊

不許或諫曰惟岳已據父業不因而命之必為亂上曰

賊本無資以為亂皆藉我土地假我位號以聚其衆耳

曷日因其所欲而命之多矣而亂日益滋是爵命不足

以已亂而適足以長亂也

德宗銳于削平藩鎮而發是言誠中肅代之病而終不能

已亂亦以召亂所行者未能副其言也長知丈翻

然則惟岳必為亂命與不命

等耳竟不許悅乃與李正己各遣使詣惟岳潛謀勒兵

拒命魏博節度副使田庭玠謂悅曰爾藉伯父遺業

田承

嗣者悅之伯父也

但謹事朝廷坐享富貴不亦善乎奈何無故

與恒鄆共為叛臣

成德節度使治恒州淄青節度使治鄆州故以恒鄆稱之恒戶登翻鄆音

運爾觀兵興以來逆亂者誰能保其家乎必欲行爾之

志可先殺我無使我見田氏之族滅也因稱病臥家悅



自往謝之庭玠閉門不內竟以憂卒

卒子恆翻

成德判官邵

真聞李惟岳之謀泣諫曰先相公受國厚恩大夫衰經

之中

相息亮翻  
衰倉回翻

遽欲負國此甚不可勸惟岳執李正已

使者送京師且請討之曰如此朝廷嘉大夫之忠則旄

節庶幾可得

使疎吏翻  
進翻幾居希翻

惟岳然之使真草奏長史

畢華曰先公與二道結好二十餘年

長知兩翻  
好呼到翻

柰何一

旦弃之且雖執其使朝廷未必見信正已忽來襲我孤

軍無援何以待之惟岳又從之前定州刺史谷從政惟

岳之舅也有膽略頗讀書王武俊等皆敬憚之為寶臣

所忌從政乃稱病杜門惟岳亦忌之不與圖事日夜獨

與胡震王它奴等計議多散金帛以悅將士將即亮翻從政

往見惟岳曰今海內無事自上國來者時藩鎮竊據自比古諸侯謂京

師為上國皆言天子聰明英武志欲致太平深不欲諸侯子

孫專地爾今首違詔命天子必遣諸道致討將士受賞

皆言為大夫盡死為於偽翻下且為同苟一戰不勝各惜其生誰

不離心大將有權者乘危伺便咸思取爾以自為功矣

同相  
度翻

且先相公所殺高班大將殆以百數梳敗之際

梳奴

教翻其子弟欲復仇者庸可數乎又相公與幽州有隙

謂李

寶臣襲朱滔也事見上

朱滔兄弟常切齒于我今天子

卷代宗大歷之十年

必以為將滔與吾擊柝相聞

左傳曰魯擊柝聞於邾謂接境也

計其聞

命疾驅若虎狼之得獸也何以當之

是後李惟岳禍敗皆如谷從政所言

昔田承嗣從安史父子同反身經百戰凶悍聞于天下

嗣祥吏翻悍下  
罕翻又戶肝翻

違詔舉兵自謂無敵及盧子期就擒吳

希光歸國承嗣指天垂泣身無所措賴先相公按兵不

進且為之祈請先帝寬仁赦而不誅

事亦見上卷大歷十年相息亮翻為

于偽翻

不然田氏豈有種乎況爾生長富貴齒髮尚少不

更艱危

種章勇翻長知大翻少詩照翻更工衛翻

乃信左右之言欲效承嗣

所為乎為爾之計不若辭謝將佐使惟誠攝領軍府身

自入朝乞留宿衛因言惟誠且留攝事恩命決於聖志

上必悅爾忠義縱無大位不失榮祿永無憂矣不然大

禍將及吾亦知爾素疎忌我顧以舅甥之情事急不得

不言耳惟岳見其言切益惡之從政乃復歸杜門稱病

將即亮翻朝直遙翻惡鳥路翻復扶又翻又音如字

惟誠者惟岳之庶兄也謙厚

好書得衆心

好呼到翻

其母妹為李正己子婦

母妹者惟誠同母之妹也

是日惟岳送惟誠於正己正己使復姓張遂仕淄青惟

岳遣王它奴詣從政家察其起居

將殺之示之以意使自引分

從政

飲藥而卒

卒子恤翻

且死曰吾不憚死哀張氏今族滅矣

李寶

臣本張忠志故云然

劉文喜之死也李正己田悅等皆不自安劉

晏死正己等益懼

劉文喜劉晏死皆見上年

相謂曰我輩罪惡豈得

與劉晏比乎

李正己田悅非面相告語也使人傳言有此語

會汴州城隘廣之

東方人訛言上欲東封

汴皮變翻隘鳥界翻東封非東封秦山之謂蓋用左傳燭之武

說秦伯既東封鄭又欲肆其西封之語

故城汴州正已懼發兵萬人屯曹

州曹州李正已巡屬與汴州接壤

田悅亦完聚為備

杜預曰完聚者完城郭聚人民

與

梁崇義李惟岳遙相應助河南士民騷然驚駭永平舊

領汴宋滑亳陳潁泗七州

此平李靈耀後永平軍所領巡屬也按代宗大歷七年賜

滑亳軍號永平十一年平李靈耀增領宋泗二州十四年增領汴潁二州滑亳未賜軍號之前已領陳州共七

州丙子分宋亳潁別為節度使以宋州刺史劉洽為之

以泗州隸淮南又以東都留守路嗣恭為懷鄭汝陝四

州河陽三城節度使

使疏吏翻守式又翻  
祠祥吏翻陝失冉翻

旬日又以永

平節度使李勉都統洽嗣恭二道仍割鄭州隸之選嘗

為將者為諸州刺史以備正已等

純宅綜翻俗又讀  
如字將即亮翻

初高力士有養女媵居東京

媵里之翻  
無夫為媵

頗能言宮中事

女官李真一意其為沈太后詣使者具言其狀

去年遣  
使訪求

太后上聞之驚喜時沈氏故老已盡無識太后者上遣宦

官宮人往驗視之年狀頗同宦官宮人不審識太后皆

言是高氏辭稱實非太后驗視者益疑之強迎入上陽

宮

強其兩翻  
下所強同

上發宮女百餘人齋乘輿服御物就上陽

宮供奉

乘繩誼翻  
與音于

左右誘諭百方

誘音  
酉

高氏心動乃自

言是驗視者走馬入奏上大喜二月辛卯上以偶日御

殿羣臣皆入賀

唐制天子以隻日受朝賀今喜於  
得太后故以耦日御殿而受賀

詔有

司草儀奉迎高氏弟承悅在長安恐不言久獲罪遽自

言本末上命力士養孫樊景超往覆視景超見高氏居

內殿以太后自處

處昌  
呂翻

左右侍衛甚嚴景超謂高氏曰

姑何自置身於俎上

謂將以詐偽伏罪如  
置身俎上以俟刀也

左右叱景超



使下景超抗聲曰有詔太后詐偽左右可下左右皆下

殿高氏乃曰吾為人所強非已出也

強其兩翻

以牛車載還

其家

還從宣翻又音如字

上恐後人不復敢言太后皆不之罪曰

吾寧受百欺庶幾得之

復扶又翻幾居依翻

自是四方稱得太后

者數四皆非是而真太后竟不知所之

之往也

御史中

丞盧杞奕之子也

天寶十四載安祿山陷洛陽李愷盧奕死之

貌醜色如藍

有口辯上悅之丁未擢為大夫

擢為御史大夫

領京畿觀察使

句郭子儀每見賓客姬妾不離側杞嘗往問疾子儀悉

屏侍妾獨隱几待之

離力智翻屏必耶翻隱於新翻

或問其故子儀曰

杞貌陋而心險婦人輩見之必笑它日杞得志吾族無

類矣楊炎既殺劉晏朝野側目李正己累表請晏罪譏

斥朝廷炎懼遣腹心分詣諸道以宣慰為名實使之密

諭節度使云晏昔朋附姦邪請立獨孤后上自惡而殺

之上聞而惡之

朝直達翻度使疎吏翻惡烏路翻

由是有誅炎之志隱

而未發乙巳遷炎為中書侍郎擢盧杞為門下侍郎並

同平章事不專任炎矣杞最陋無文學

叢祖外翻

炎輕之多

託疾不與會食

唐制諸宰相日會食于政事堂

杞亦恨之杞陰狡欲起

勢立威小不附者必欲寘之死地引太常博士裴延齡

為集賢殿直學士親任之

為盧杞以姦邪致亂張本然杞為建中厲階人皆知之其

引裴延齡以樹黨其禍蔓延迄于貞元之末年人未知其罪也故通鑑著言之

丙午更汴宋

軍曰宣武

按是時李勉以永平軍節度使鎮汴州蓋以宋毫穎為宣武軍當從新書方鎮表更工衡

翻

振武節度使彭令芳苛虐監軍劉惠光貪婪

婪盧含翻

乙卯軍士共殺之

癸京西防秋兵萬二千人戍關東

時吐蕃通和西邊無警而河南北諸鎮連兵拒命關東騷然故抽京西防秋之兵以戍關東

上御望

春樓

望春樓在瀾水之西臨廣運潭

宴勞將士

勞力到翻將即亮翻

神策軍士獨

不飲上使詰之其將楊惠元對曰臣等發奉天軍帥張

巨濟戒之曰此行大建功名凱還之日相與為歡故不

敢奉詔

按建中元年遣神策軍使張巨濟將禁兵助朱泚等討劉文喜蓋涇州既平巨濟還屯奉天也

詰去吉翻帥所類翻還音旋又如字

及行有司緣道設酒食獨惠元所部

鉗瞿不發

瞿烏莖翻

上深歎美賜書勞之

勞力到翻

惠元平州人

也

平州北平郡

三月置澌州於郾城

魏收地形志潁川郡曲陽縣有郾城後齊

置臨潁郡隋廢郡為郾城縣唐屬蔡州時分郾城臨潁陳州之澌水置澌州澌于巾翻郾于建翻

辛

已以汾州刺史王翊為振武軍使鎮北綏銀等州留後

翊 戶  
萌 翊

遣殿中少監崔漢衡使于吐蕃

少始照翻使疎  
吏翻吐從瞰入

聲

梁宗義雖與李正己等連結兵勢寡弱禮數最恭

或勸其入朝

朝直  
進翊

宗義曰來公有大功於國上元中為

閹官所讒遷延稽命

稽緩也

及代宗嗣位不俟駕入朝猶

不免族誅

來公謂來瑱死于廣德元年事見二百二十二卷

吾歲久疊積何可

往也淮寧節度使李希烈屢請討之

方鎮表大歷十四  
年淮西節度使復

治蔡州賜號淮  
寧軍事見上

宗義懼益修武備流人郭昔告宗義為

變

郭昔以告崇義得流罪史因稱流人以叙其事

崇義聞之請罪上為之杖昔

遠流之

為于偽翻下為陳同

使金部員外郎李舟詣襄州諭旨以

安之舟嘗奉使詣劉文喜為陳禍福文喜囚之會帳下

殺文喜以降諸道跋扈者聞之謂舟能覆城殺將

將即亮翻

至襄州崇義惡之舟又勸崇義入朝言頗切直崇義益

不悅及遣使宣慰諸道舟復詣襄州崇義拒境不內

惡烏

路翻復扶又翻拒境者拒之于境上

上言軍中疑懼請易以它使

上時掌翻

時

兩河諸鎮方猜阻上欲示恩信以安之夏四月庚寅加

崇義同平章事妻子悉加封賞賜以鐵券遣御史張著

齋手詔徵之仍以其裨將蘭果為鄧州刺史

裨賓彌翻鄧州治穰

縣

五月丙寅以軍興增商稅為什一

楊炎定稅法商賈三十稅一今

增之

田悅卒與李正己李惟岳定計

卒子悅翻終也竟也

連兵拒

命遣兵馬使孟祐將步騎五千止助惟岳

將即亮翻又音如字騎奇

寄翻薛嵩之死也田承嗣盜據洺相二州

事見上卷大歷十年洺音名相

息亮翻

朝廷獨得邢磁二州及臨洺縣

臨洺漢之易陽縣地屬趙國晉屬廣

平郡後魏屬魏郡後齊廢入襄國縣置襄國郡後周改置易陽縣別置襄國縣隋開皇之六年改易陽為邯鄲

十年改邯鄲為臨洺屬武安郡唐屬洺州范成大北使  
錄臨洺縣東至洺州三十五里朗直達翻磁牆之翻

悅欲阻山為境曰邢磁如兩眼在吾腹中不可不取乃

遣兵馬使康愔將八千人圍邢州

使疏吏翻愔艱滯翻  
將即亮翻又音如字

別將楊朝光將五千人柵於邯鄲西北以斷昭義救兵

邯鄲縣漢屬趙國晉屬廣平郡東魏廢隋復置屬武安  
郡唐屬磁州余按隋開皇十年既改邯鄲為臨洺隋志  
不復言別置邯鄲至唐志則臨洺縣屬洺州邯鄲縣屬  
磁州蓋邯鄲縣必復置於唐世與臨洺各為一縣史逸  
其置縣之歲月也宋白曰臨洺縣漢易陽縣地屬趙國  
魏屬魏郡晉屬廣平郡後魏省入邯鄲孝文于北中府  
城復置易陽縣屬廣平郡今理是也隋開皇六年改易  
陽為邯鄲縣十年移邯鄲理涉鄉在今邯鄲縣界仍於



北中府城置臨洛縣北濱洛水為名九域志邯鄲縣在磁州東北七十里柵測革翻邯音寒鄲音單斷音短

悅自將兵數萬圍臨洛

考異曰馬燧傳悅自將兵三萬圍邢州次臨洛燕南記悅自

統馬步五千人應接今從舊傳

邢州刺史李共臨洛將張仵堅壁拒守

仵音

貝州刺史邢曹俊田承嗣舊將也老而有謀悅寵

信牙官扈襲而疎之

嗣徐史翻將即亮翻亨五各翻

及攻臨洛召曹俊

問計曹俊曰兵法十圍五攻

此孫子兵法之言

尚書以逆犯順

勢更不侔

尚辰羊翻言以寡敵衆勢已不侔而以逆犯順更不侔也

今頓兵堅城之

下糧竭卒盡自亡之道也不若置萬兵於崞口以遏西

師

西師謂澤潞河東之師自西山而下崞音郭崞口當西山之下直相州之西

則河北二十

四州皆為尚書有矣

河北二十四郡也自至德改郡為州安

史既平之使河北又有分置之州若以開元天寶河北道承訪使所統大畧言之此時河北不止二十四州邢曹俊之說蓋因時俗為傳習古語耳諸將惡其異已共毀之悅不用其策

為悅摧敗張本惡烏路翻

資治通鑑卷二百二十六